

左文襄公年譜

左文襄公年譜卷一

湘潭羅正鈞纂

公姓左氏諱宗棠字季高一字樸存早歲自號湘上農人子公

孝同先考事略云府君自迯家柳莊日巡行隴畝自號湘上農人按公家書甲子以前紙尾往往自署湘上農人先

世自南宋時已爲湘陰人世居縣東鄉左家墩代有聞人景

先生慎齋文鈔族譜序云吾族自湯盤公登宋嘉定進士歷

官兩浙路采訪使浙民愛之爲立去思碑明心南公萬歷間

官行唐縣知縣知深州事旋擢遼東監軍道參經略熊廷弼

軍事廷弼甚倚重焉公從祖弟任菴公值張賊犯長沙逼以

僞官抗節不屈遇害忠孝照耀湖湘間國家承平二百年

吾族支派繁衍其間忠孝節義散見於郡邑之志載及家乘

之所傳聞鄉人士類能言之按湘陰縣志氏族表湯曾

盤公諱大銘心南公諱天眷據表心南公爲公九世祖曾

祖諱逢聖字孔時一字仁鄉縣學生員以孝義著聞妣蔣氏

湘陰縣志本傳云左逢聖字孔時邑庠生性恭慈大父染疾數年雖異居與其父庠生定師朝夕侍奉嘗親持穢服臨江幹濯涕泗交流見者歎其誠孝居貧好施嘗於高華嶺設茶數年以濟行人乾隆十七年歲歉典衣服與富人之樂善者施粥於袁家鋪生平舉止端嚴所讀經史皆手錄著有存塾文稿數卷祖諱人錦字斐中一字

松埜國子監生爲族倉備荒歲歉一族無飢人妣楊氏

湘陰縣人

志本傳云左人錦字斐中一字松埜父逢聖諸生以孝義聞人錦承家教多所修建嘗仿社倉法倡捐穀爲族倉以備凶荒歲歉而左氏無饑人著有族倉條約善化賀氏熙齡寒香館文鈔左斐中像贊云季高述其尊祖斐中先生律躬之嚴閑家之肅敦睦家族推濟鄰里之義父諱觀瀾字晏臣一余於是而又知其世德相濟積累深厚

字春航縣學廩生貧居教授二十餘年妣余氏

文集卷一錢南園先生文

存序云先世耕讀爲業以弟子員增郡縣學籍者凡七輩家書壬戌與孝威書云吾家積代寒素先世苦況百紙不能詳爾母歸我時我已舉於鄉境遇較前稍異然吾與爾母言及先世艱窘之狀未嘗不泣下霑襟也吾二十九初度時在

小淹館中曾作詩八首中一首述及吾父母貧苦之狀有四句云研田終歲營兒哺糠屑經時當夕飢乾坤憂痛何時畢忍屬兒孫戴菜根至今每一諷詠及之猶悲愴不能自已按詩集研田句自注云父授徒長沙先後廿餘年非修脯無從得食糠屑句自注云嘉慶十二年吾鄉大旱母三代皆以屑糠爲餅食之僅乃得活後長姊爲余言也傷哉

公貴

果贈光祿大夫二等恪靖侯妣皆

果贈一品侯夫人公兄弟三人長兄宗械字伯敏一字瑟卿縣學

廩生蚤卒仲兄宗植字仲基一字景喬道光乙酉拔貢生王

辰本省鄉試第一名舉人官桂東教諭改內閣中書爲詩古

文有盛名尤精於天文著有慎齋詩文鈔四卷

湘陰縣志本傳云左宗

植字仲基一字景喬父觀鳳以善書名宗植道光五年拔貢十二年解元選授桂東教諭改內閣中書宗植幼時與兄宗

植以詩古文自豪有湖南四傑之稱謂邵陽魏源郴州陳起
詩益陽湯鵬並宗植也尤精於天文攷訂開元占經行世宗
植任內閣中書祁文端公寓藻掌軍機深信其言大學士賽
尚阿視師廣西宗植獨以為非宜而言曾國藩足當大任江
忠源模幹任軍旅其後皆以功名顯由宗植發其端也所著
模學齋存稿宗棠為分刻之日慎齋文鈔二卷慎齋詩鈔二
卷文集卷一慎齋詩文鈔序云兄詩尚模忌巧務苦吟為
古文辭先根柢後枝葉漸進於作述之林歷時流少富意者
晚研天文家言於中西法名有所取其推步占驗有應有不
應兄不輕為人言或有公其季也
言余亦未能遽省也

嘉慶十七年壬申公一歲

十月初七日寅時公生於湘陰東鄉左家墩公子孝同先考

考松堃公妣楊太夫人年近八旬均健在世父瑟卿公年十
三歲仲父景喬公年九歲姑母三人長年十六歲餘均數歲
先祖年三十五祖妣年三十八始生府君將生之夕祖妣夢
有神人自空中止於庭謂牽牛星下降驚寤而府君生室中

忽有光如白晝燈燭皆掩遂時天始曙按家書甲子與孝威書云吾家本寒素兩父生而吮米汁日夜號聲不絕臍爲突出至今腹大而臍不深吾母嘗言育我之艱是年春航先嚼米爲汁之甚至今每一念及猶如聞其聲也
生讀書嶽麓書院文集卷五祭胡文忠公文云我生於泚公達於資歲在壬申夏日冬時詹事文學讀書麓山兩家生子舉酒相歡按胡文忠公年譜生於是年六月公生以十月故云夏日冬時又攷公書牘卷十五與江小岷都尉書云尊翁與吾同歲生吾遲四月蓋新甯江忠烈公亦以是年生也

嘉慶十八年癸酉公二歲

嘉慶十九年甲戌公三歲

是年五月二十四日楊太夫人卒壽八十歲

嘉慶二十年乙亥公四歲

公幼有異表

景喬先生慎齋詩鈔癸亥大寒日余東安表弟訪予高坡感舊書懷長歌奉贈兼寄舍弟季高

詩有云青瑣長物付諸兒燕頤封松埜先生攜之讀書梧塘
侯望子季自注先太夫人語意也松埜先生攜之讀書梧塘
詩集題羅權如讀書秋樹根圖詩云夢到梧塘屋兩間自注
梧塘爲先祖課諸孫處按明年逐家會城據詩所云則梧
塘課讀必特愛異之常曰是子足昌吾門公略云松埜公嘗攜
是年事也公步上宅後山掇小栗盈剝命歸贈兄婢公持歸均給不自
取食松埜公喜曰此子幼時分物能均又知讓而忘其私異
日必能昌大吾門

嘉慶二十一年丙子公五歲

春航先生是歲挈家遷居會城貢院東左氏祠開館授徒公

從二兄入學

慎齋文鈔湘陰左氏試館記云先是左氏宗祠在長沙府城貢院之東街嘉慶間大父松埜公

逮先府君實勸建焉府君旋僦居之余兄弟讀書其中文
集卷一慎齋詩文鈔序云余兄弟三人侍先公讀書比長不
名他師又文集卷三候選訓導左君墓志銘云君與余同
歲生少受業於先公之門與余同研席余以先公幼子特愛

日誦所授書畢即跳踴戲穎悟過人公子孝同先考事略云府君始受學每聽
君則端坐默識目不左右顧穎悟過人公子孝同先考事略云府君始受學每聽
先祖講授生徒及世父仲父誦讀之書輒默識不忘偶屬對
穎悟異人一日先祖課世父仲父讀井上有李文至昔之勇
士亡於二桃今之廉士生於二李句因問二桃典何所出府
君在側應聲曰古詩梁父吟有之亦平日所聞於二兄誦讀
者也 是歲仲兄景喬先生入縣學年十三歲 長姊壽清適
同郡朱氏慎齋文鈔朱氏先姊墓志銘云顯考春航府君女
子子三人其一名壽清宗植姊也年二十歸同郡
朱君
震暘

嘉慶二十二年丁丑公六歲

是年讀論語孟子

按正誼堂全書卷首公與楊雪滄書云紫陽學統弟何能窺其百一然自六歲讀論

孟時即兼讀大注

九月二十六日松堃先生卒壽八十歲

嘉慶二十三年戊寅公七歲

嘉慶二十四年己卯公八歲

是年伯兄伯敏先生入縣學景喬先生科試高等補廩膳生

春航先生教子嚴爲文必依傳注詮經旨數年之間從游

者日眾

善化賀氏熙齡寒香館文鈔左斐中像贊云左子季高從余游詢其學之所自則一稟於尊甫先生之教

其敦於家者必本於身肅然翼然尊卑上下罔敢稍越余於是而知季高學業之成就其父教然也文集卷三長沙徐

君墓表云先文學教人爲文必依傳注詮經旨不尙藻繪公子孝同先考事略云先祖教人循循善誘於課子尤嚴數

年之間入學食餼一時從游者甚眾

嘉慶二十五年庚辰公九歲

初學爲制藝

正誼堂全書卷首公與楊雪滄書云九歲學作制藝先子每命題必令先體會大注一字不許

放過間讀史輒慕古人大節書讀卷八乙丑答吳桐雲書云僕自童兒時卽知慕古人大節稍長

工為壯語視天下
事若無不可為

道光元年辛巳公十歲

是年城中謠言紙人剪辮髮經旬月迺定

書牘卷十七丙子答楊石泉中丞書

云浙中紙人剪辮之說來自吳中道光初元長沙城中亦有此謠并有雞生四翼五爪之說弟時甫十齡每聞人語藉藉心輒疑之睡醒輒摩其頂知吾髮無恙迺復安睡曉行市廛見家雞狼籍殆徧行人相戒勿近詢知雞啄人即斃也擾攘旬月始獲安息

道光二年壬午公十一歲

是年族人議遷祠於湘陰

書牘卷八丙寅與李仲雲書云貢院東街舊祠為弟少時嬉游之所

至今猶時時入夢公子孝同先考事略云府君嘗言兒時從先祖讀書族祠會族人有遙祠入鄉之議購大木立樁木有大孔日間課畢戲其旁夜夢如戲以身入孔中則別有天地山水清幽深林茂樹蔚然勝境循山而上松竹交映石徑

牟碩躋其巔有古寺爲呂子鍊真之所鑪香然半炬旋取香
循舊徑歸遂驚而寤後四十餘年平定兩浙甲子重九日爲
楊石泉宮保壽辰偕游天竺靈隱登眺間恍然如當日夢中
所歷按慎齋文鈔左氏試館記云府君歿祠遷於鄉族眾
以其地鬻諸佗氏季高出襄戎事念疇昔家庭夙興夜寐吾
兄弟艱苦誦讀歌哭之地祿入漸厚求故屋鬻諸佗氏者倍
稱買之爲讀書應試者館焉據此則祠遷於鄉在
春航先生既歿以後是歲僅購木有遷建之議也

道光三年癸未公十二歲

始畱意書法

文集卷二法華寺碑跋云北海法華寺碑世稱

借得一本示余蓋賀耦耕同書所藏者愛玩不置未久勞復
索還光緒三年余持節酒泉督諸軍平西域王霞軒觀察贈
我是本屬從事李佐興鈞泐諸木以廣流傳溯自荆見至今
蓋五十又四年矣頭白臨邊追維曩昔髮鬢長沙夜讀時也
按光緒三年爲丁丑上溯五十四年正道光三年癸未又
文集卷一錢南園先生文存序云余童時見先生所書聯幅
及行校官批牘與演人仕於湘者面札字皆平原遺法間亦
畫馬風髣霧鬣筋骨顯露筆力髣髴古篆不敢逼視按言童

時則錢通副書畫亦必伯敏先生歲試補廩膳生是歲二月
此數年間之所見也
卒年二十五歲文集卷一慎齋詩文鈔序云長伯敏早卒先公傷之故譚仲季書不如伯之嚴詩古文令略識塗轍而已不責其專且工也

道光四年甲申公十三歲

道光五年乙酉公十四歲

公屬文每一甄成喜自負儕輩皆已憚之

文集卷三長沙徐君墓表云君道光

初偕弟蓉受書先文學之門有所繩削君屏息聽受唯謹余時年十四五好弄敢大言每成一甄輒先自詫以視君君微笑而已
是年景喬先生充湘陰縣拔貢生慎齋詩鈔題觀亭從游圖詩注云先是壽陽公於道光乙酉督學湖南拔取長沙諸生試凌雲閣賦宗植及陳君堯農勞君辛階諸人同入等
按壽陽公壽陽祠文端公寓藻也試凌雲閣賦當是上年科試事言乙酉者舉科分言也

道光六年丙戌公十五歲

始應童試

公子孝同先考事略云年十五應童子試

是年景喬先生入都朝

考列二等尋選新化訓導

道光七年丁亥公十六歲

五月應府試知府黃安張公錫謙奇其文試終以擬冠軍旋

以某生年老抑置公第二未幾余太夫人病未與院試歸公

孝同先考事略云長沙知府張公錫謙字益舟黃安人得府

君卷亟賞之屢拔置前欲以第一錄送旋見某生年老抑置

府君第二進見加獎勉焉既而學政按臨以母病未與試十月十六日余太夫人卒壽

五十三歲

道光八年戊子公十七歲

居憂益勉於學公子孝同先考事略云府君自居憂益致力祗有數年十六以前知識未開二十五六以後人事漸熟此數年中放過則無成矣勉之證以事略所述正公自言所得力之候也

道光九年己丑公十八歲

是年購顧氏炎武郡國利病書顧氏祖禹方輿紀要諸書

夕稽究有所證發輒手自條記見者笑以爲無用公爲之益

勤公子孝同先考事略云府君嘗言吾十八九歲時於書肆購得顧氏方輿紀要一書潛心玩索喜其所載山川險要

戰守機宜瞭如指掌兼得亭林郡國利病書及齊氏水道提綱諸書於可見之施行者另編存錄之於時承平日久士人

但知有舉業見吾好此等書莫不竊笑以爲無所用之按公家所藏皇朝經世文編公丹黃殆徧於所選顧氏方輿

紀要諸論後評云顧氏之書攷據頗多疏略議論亦間欠酌然熟於古今成敗之迹彼此之勢魏氏源謂其多言取而罕

言守言攻而不言防迺搶攘策士之談此論甚謬大凡山川形勢隨時勢爲轉移至於取守攻防則易地可通也經世文編成於道光六年蓋亦此時之所攷論矣

道光十年庚寅公十九歲

正月十八日春航先生卒壽五十三歲 四月卜葬於長沙

城北十五里史家坡余太夫人前厝湘陰左家墩祖塋之旁

至是奉柩合葬焉 是年善化賀公長齡亦丁母憂歸一見

公推爲國士書牘卷二十二己卯與譚文卿中丞書云耦耕先生實嘉道兩朝名臣學術之純正心地之光

明一時僅見弟於其居憂長沙久親教益於先生政學頗有所窺謬蒙以國士見待按賀公家傳丁母嚴太夫人憂爲

是年悉發所藏官私圖史借公恣覽每閱一書竟必還叩所

得互相攷訂奏稿卷五十七請將前雲貴總督宣付史館立傳摺云臣弱冠時頗好讀書苦貧乏無買書資

賀長齡居憂長沙發所藏官私圖書史借臣披覽每向取書冊賀長齡必親自梯樓取書數數登降不以爲煩還書時必問其所得互相攷訂孜孜斷無稍倦厭其誘掖末學與人爲善之誠大率類此嘗言天下方有乏才之歎幸無苟且小就自限其成至今每一思及猶耿耿於懷不能自釋

道光十一年辛卯公二十歲

是年讀書城南書院時善化賀蔗農先生熙齡以侍御家居

主講席

肥城唐氏鑑御史賀君墓志銘云君掌教城南辨義利正人心論多士以立志窮經爲有體有用之學

尤偉重公授以漢宋儒先之書

寒香館文鈔左斐中像贊云左子季高少從余游觀其卓

然能自立叩其學則確然有所得察其進退言論則循循然有規矩而不敢有所放軼也余已心異之正誼堂全書卷

首公與楊雪滄書云

稍長從賀侍御師游尋釋漢宋儒先遺

書講求實行

公子孝同先考事略云時山長善化賀侍御

熙齡宿學名儒其教諸生誘以義理經世之學不專重制藝帖括於府君尤加器異後府君上賀公書有十年從學之語

蓋從游與湘鄉羅羅山澤南丁秩臣敘忠為友以學行相砥

礪與楊雪滄書又云長與羅羅山丁秩臣為友亦時家益貧

困書牘卷五辛酉與郭意城書云自十餘歲孤露食貧以來至今從未嘗向人說一窮字不值為此區區撓吾素節

景喬先生客游武昌詩集有辛卯夏仲兄客武昌送別後卻

唯君依三年客邵陵相見時亦稀貧居豈能久誰復惜分離

草顏苟無濁白首終可期塵衣纔一洗忽復載行旗江湖阻

修遠我懷君豈知蛟龍勿君基螭蟻毋君危一家盡灰喪君

我先人遠念茲并百憂泣涕以漣海晨之西肆卜默禱煩靈

蒼遂遇離之九卜士詳其詞積中腸欲信還復疑歸為阿嫂說

遇此兆上吉莫如之憂思積中腸欲信還復疑歸為阿嫂說

征途亮無礙阿喜臨路來彊索紙背窺鬱鬱低自語對此增

感欲湘水去悠悠大別山巍巍顏色不可覩況復音書希故

山有黃精野澗多蔽薇何公資書院膏火以佐食巡撫吳公

當早歸來與君共勸機

榮光設湘水校經堂課士公歲中七冠其曹

公事略云府君早

歲文名藉甚巡撫南海吳公榮光設湘水校經堂課士以經學府君列第一者七次先祖沒後日食不給賴書院膏火之資以佐食

道光十二年壬辰公二十一歲

四月服闋納資爲監生應本省鄉試正考官禮科掌印給事

中涇陽徐公法績

文集卷三太常寺少卿徐公神道碑云公諱法績字定夫晚自號熙菴陝西涇陽人

道光十二年以禮科掌印給事中主湖南鄉試

副考官翰林院編修錢塘胡公鏗

按

南通志選舉表壬辰科考官禮科給事中涇陽徐法績編修

錢塘胡鏗

是科四書首題奸仁不好學其蔽也愚奸知不

奸學其蔽也蕩次題中立而不倚三題故士窮不失義達不離道詩題賦得學者心之白日

故事試卷經

同考官閱薦然後取中同考官所斥爲遺卷考官不復取閱

是科

宣宗特命考官搜閱遺卷副考官胡公以病前卒徐公遂獨閱五千餘卷搜遺得六人公卷居首屬同考官補薦不應徐公以新奉

諭旨曉之迺不敢有異議於時闈中自監試官以下皆疑爲溫卷

比啟糊名爲公監臨吳公榮光避席揖徐公賀得人迺皆翕

然文集卷二徐熙菴先生家書跋後云右熙菴師道光壬辰

湖南闈中寄公于董圖書是科宣宗特命考官搜閱

遺卷胡編修既以病前卒公獨閱五千餘卷搜遺得六人余

忝居首書中所稱十八名者也當取中時公命同考官補薦

不應徐以新奉諭旨曉之旋調次場經文傳視各同考

迺無異議禮經文尤爲公所欣賞題爲選士厲兵簡練榮俊

專任有司書中所稱經文甚佳者也後並進覽當時闈

中自內簾監視官以下頗疑是卷爲溫卷比啟糊名監臨巡

撫南海吳公榮光賀得人在事諸公多有知吾姓名者羣疑

益解又吳荷屋中丞衡嶽開雲圖跋後云昔先生撫湘余

才弱冠耳壬辰鄉試先生監臨闈中余卷為主試搜遺所得
同考頗疑為溫卷比糊名啟先生避席揖徐師賀得人羣論
然榜發景喬先生領解首公中式第十八名五經文進

覽

是年八月周夫人來歸公出闈就昏其家

文集卷三亡妻周夫人墓志銘云夫

人湘潭周氏名詒端字筠心年十九余兄中書君以贈光祿公遺命聘為余室蓋議昏有年矣道光十二年八月余以貧故贅於周與夫人齊年生至是皆廿一歲昏未逾月湖南省試名錄至余忝鄉舉按文集慈雲閣詩鈔序目云筠心夫人飾性齋遺稿古體四首近體一百三十一首

至是當會試北行貧不能治裝周

夫人出奩資百金治行會適朱氏姊家饑窶公悉舉遺之已

而親友復有贐者迺與景喬先生同啟行

公子孝同先考事略云時貧乏不能

與計值先妣出奩餘百金助裝會長姑母朱孺人貧不能舉火府君即悉舉以贈未幾親黨有贐者得百金與仲父啟行

上北

道光十三年癸巳公二十二歲

正月至京師

奏稿卷五十八擬調各營逐駐畿郊興修水利摺云畿輔地方年來旱潦頻仍臣前由井陘獲

鹿過正定定州保定入順天府屬房山良鄉各境道旁冰凌

層積埆近高地則沙塵沒蔽人馬均以爲苦因憶道光十三

年初次會試入都及同治七年勦捻經過各處儼若隔世

按文集後埆刻聯語題漢口長沙會館一聯跋後云道光壬

辰甲午丁酉三度赴春試皆於漢口郡館度臘證積所聞見

以興修水利摺所言則公之至京在是年正月也積所聞見

出闡成燕臺襍感七律八章

書書牘卷二十四庚辰答陶少雲書云來書述癸巳燕臺舊句於

宣省開屯時務已預及之五十年間志願到今尚行之不盡

而當時相與商榷之友朋無一存者矣道光朝講經世之學

者推默深與定菴實則龔博而不精不若魏之切實而有條

理近料理新疆諸務益歎魏子所見之偉爲不可及改設郡

縣龔議多不可行蓋未親歷其境不習知山川條列故所擬

建置大略多外錯惟如今制邊腹不分治兵之官多治民之

官少求其長治久安必不可得定菴之議固不磨矣按襍

感詩今存集中其第三首云橐駝萬里輪官粗沙磧千秋此

石田置省尚煩它日策與屯甯費度支錢蓋即書中所言者
又詩中皆憂危之詞若預知天下將亂如第四首云獲輸告
俗同頭食消息西戎是尾閭試思表餌終何報罷公子孝同
意五嶺關防未要疏時已深憂有夷禍也

云癸巳會試備中同考南旋上舉主徐熙菴先生書言歸將
官爲吏科給事中吳公

求時務所急既放點檢南歸觀時務之艱棘莫如荒政及鹽
漕河諸務將求其書與其掌故講明而切究之求副國家

養士之意與吾夫子期許之殷十餘年外或者稍有所得乎
按文集徐熙菴先生家書跋後云越三十七年余視師秦

隴公孫韋佩襄治軍書爲言榻前一日公曾有書寄家今存
篋中亟取視之余與仲兄癸巳春歸上公啟事亦附存焉收
公所爲徐公墓碑蓋是時徐公已奉命行河故公於出都

時寄書言志也先是祖遺田歲得租穀四十餘石春航先生歿家
益不給景喬先生終歲旅食公自京師歸迺舉遺產悉畀伯

敏先生嗣子世延而身寄居妻家湘潭周氏公子孝同先考
事略云先祖歿

後遺田數十畝歲收租穀祇四十八石家用
日不給府君乃以遺產悉畀世父嗣子世延
手鈔陸氏讀

朱隨筆一冊正誼堂全書卷首公與楊雪滄書云憶自道光
十三年於吾友周鐵樵裕梓案上見正誼堂所

刊儒先遺書十數種中有清獻陸先生讀朱隨筆一冊嘗手

鈔以視賀侍御師及耦耕尚書尚書以爲絕學孤本屬別尋

全刻則杳是年八月長女孝瑜生文集卷一慈雲閣詩鈔

不可得適安化陶氏著小石屋詩近體十四首

屋詩近體十四首

道光十四年甲午公二十三歲

是年僦周氏西院以居文集亡妻周夫人墓志銘云踰年長

西頭屋別爨以居又張叔容墓碣云父聲琬字玉夫先余

一年舉於鄉同試禮部同放歸相得甚歡王夫之配茹馨夫

人余妻弟也余與王夫時皆貧甚同居周氏桂在堂西兩宅

中隔一院兩人旅食於外每臘歸輒設茗酒相溫出篋中文

共評之或道時務所宜爲者諧謔間作酣嬉跌宕甚豪漸顧王夫所生三兒參差繞坐矣

冬十二月

次女孝琪生

文集慈雲閣詩鈔序目云左孝琪字靜齋以疾未適人著倚蘭室詩草古近體共七十九首

道光十五年乙未公二十四歲

是年會試取中將揭曉以湖南額溢易中他省卷而挑取公

謄錄同考官上元溫公葆深爭之不得

云公于孝同先考事略云戶部侍郎上元溫

公葆深以翰林院侍講為同考官得府君卷極力呈薦總裁亦亟賞之評為立言有體已取中第十五名臨揭曉以湖南

溢中一名因撤府君卷易中湖北一人府君僅取謄錄按詩集二十九歲自題小像詩云聊欲絃歌甘小僻自注史館

謄錄積勞得敘例與一令南歸遇漢水盛漲自樊城買舟還則當時以史館注籍也

長沙

書讀卷九丁卯與曾沅浦中丞書云得手書具謫漢水泛溢獅口潰裂失故道者三百餘里弟於道光十五年

過此時即遇此災船從搖頭溝過篙插屋脊自樊城抵長沙祇行十三日耳

道光十六年丙申公二十五歲

是年居周氏西樓肇事方輿家言

書廣卷一 是年上賀蔗農先生書云宗棠見假館隱

山鍵居西樓肇事方輿家言

按周氏居湘潭辰山在隱山之麓言假館隱山蓋舉地望言之

謂古今談地理者索象於圖索理於書兩言盡之矣然而陵谷之變遷河渠之決塞支原之遠近疆索之沿革代不侔也又土宇有分合則城治有興廢於是疆域襍錯攻守勢殊故有古爲重險今爲散地彼爲邊處此爲腹地者如此則圖不能盡紀也廣輪之度山川所著也山川脈絡準望所生也於是方邪迂直高下均於是乎憑之然而一言東則東南東也東北東也果何據以爲此郡此縣之東乎既辨其爲東南矣又或以東兼南以南兼東或東南各半始以豪釐終以千里果何據而得

其東南之數乎既得其東南之數矣或自某省量至某府某
府量至某縣又自所界之府州縣治村之或饒或減歧出不
定果何從而折衷至是乎如此則書亦不能盡告也亦不能
盡信也迺以爲欲知往古形似當先據目前可據之圖籍先
成一圖然後辨今之某地卽先朝之某地又溯而上之以至
經史言地之始亦猶厯家推步之法必先取近年節令氣候
逆而數之迺爲有據故千歲日至可坐而定也欲知方位之
實當先知道里之數欲知道里之數當先審水道經由之鄉
凡夫行旅輿程之記村驛關口之名山岡起伏之迹參伍錯
綜以審之直曲圍徑以準之以志繩史以史印志其失實也

寡矣古書流傳絕少諸書引注除王胡數家外類多牽鑿而
外間所行諸圖位置乖舛外率先畫疆域大界稍依各書填載
方向展轉增竄不求其安譬猶鑿趾以適其屢誠不知其不
可也於是擬先作 皇輿一圖計程畫方方以百里別之以
色色以五物縱橫九尺俟其成分圖各省又析爲府各爲之
說再由明而元而宋上至禹貢九州以此圖爲之本以諸史
爲之證據書廣是年上每作一圖易稿則授周夫人影繪之
歷歲迺成公于孝同先考事略云周氏有新樓公止其上詳
適成按文集亡妻周夫人墓志銘云常時敏衽危坐讀書
史香鑪茗椀意度脩然每與談史遇有未審夫人隨取架上
某函某卷視余十得嘗自爲聯語云身無半畝心憂天下讀
八九蓋亦此時情事

破萬卷神交古人

按此聯增刻文集後自跋云卅年前作此語以自夸祇今猶往來胸中試為兒輩誦

之不免慙報之意然志趣不妨高也安得以德薄能麤謂子弟不可學老夫之狂哉按前後所編各聯均題同治五年自闕迄節西征書付此聯必一時所書
是年納副室張氏云卅年前作此語故以編於是年
孝同先考事略云世父早卒配盛孺人苦節二子俱殤仲父年三十四尚無子先妣體弱多病自勞先妣生不孝寬勛同自將米鹽辭紉之事舉身任之不以累封夫人適孫念謙幼三人女孝琳一人後以孝寬敘官孤失母撫之成立光緒庚寅襲侯爵覃恩贈贈一品夫人

道光十七年丁酉公二十六歲

是年主講醴陵淶江書院

文集吳荷屋中丞衡嶽開雲圖跋後云自憶年少狂憊不喜奔競干

謁惟先生召主淶江書院時曾一望顏色而已
依朱子小學為學規八則人給日記一冊每日入下門鑰呈閱日閒所著錄月朔望會講引掖督

勉其有不率則朴責而斥逐之數月人知嚮學

書讀卷一是年上賀蔗農

先生善云宗棠初來凡諸生進講各給日記一本令其工課

隨時注載日入頭門下鑰即查閱功課如曠廢不事及虛

詞掩著兩次將本課膏火除去加與潛心攻苦之人念先儒

云制外所以養中養中始能制外因於小學撮取八則訂為

學規以詔學者月朔望會訂功課日記為之引掖而督勉之

其有不率則朴責而斥逐之邇來俱知勉彊學問不謂苦也

時安化陶文毅公澍督兩江閱兵江西乞省墓道出醴陵知

縣治館舍勾公為楹聯文毅見奇之既詢為公作廼屬知縣

延見傾談竟夕與訂交而別

公子孝同先考事略云安化陶文毅公總督兩江時以巡閱江

西乞假省墓道出醴陵縣令情府君為館舍楹聯云春殿語

從容甘載家山印心石在大江流日夜八州子弟翹首公歸

文毅激賞之詢為府君作因屬縣令延

冬會試北上

是

年五月適朱氏姊沒

慎食文欽適朱氏先姊墓志銘云姊卒於道光十七年五月二十九日按公

女兄三人朱氏姊外一適周氏一適張氏均未詳出嫁年分
按慎齋詩鈔題碧芙蓉館遺草詩序云異時宗植兩女弟皆
能詩皆不幸早卒朱氏先姊墓志云先考見背後適張氏妹
外適周氏妹又外今姊外又三年於茲則皆沒於朱氏姊之
前也 八月第三女孝琳生文集慈雲閣詩鈔序目云左孝琳
字湘娜適湘潭黎氏著瓊華閣詩
草近體 九月第四女孝璵生文集慈雲閣詩鈔序目云左孝
璵字少華適湘潭周氏著浚如
齋遺詩近體十三首

道光十八年戊戌公二十七歲

春正自漢口北行

水窗春曉云左恪靖小子五歲其中鄉榜
卻先子四科戊戌計偕北上遇於漢口即

結伴同行自誦其題洞庭君祠聯云迢遙旅路三千我原過
客管領重湖八百君亦書生意態雄傑即此可見 按水窗
春曉不著撰人姓名詳其首尾蓋出於湘潭歐陽曉岑兆熊
公三次會試皆在漢口度歲此云戊戌遇於漢口即結伴同
行故知在 道經正定欒城聞知縣桂君有善政心識之 奏稿
春正也

故員政績卓著請敕史館立傳摺云憶昔道光十七年臣宗棠會試北上道出樂城偶遊城市見知縣桂所張示諭勸民耕種并示以種植木棉諸芋之宜及備荒之策甚爲詳備比詢之居民皆言令之愛民出於至誠其潔清自矢爲從前清官所不及心竊異之比至都下爲知好誦之時今雲貴總督前編修勞崇光前御史黎吉雲爲言桂令超萬故儒吏也始知其名書牘卷六癸亥與徐樹人中丞書云桂丹翁之亡令人神傷不已憶昔會試北行道出樂城時聆其政聲洋溢己心儀而敬慕之又文集祭桂丹盟文云我昔祖燕道出眞定公宰樂城與言是聽按公旣在漢口度歲則經樂城必在是年摺中稱道光十七年蓋舉自家赴試言之同治癸亥公督閩浙桂公以道員署按察使年八十餘以剛廉爲公所重公爲請史館立傳

至京主鐵門周華甫振之家按公家故援及是年之事也

胡文忠公與公書云書中以農人勝於鄂撫此事頗難言總之林翼知公在鐵門之時是公一生眞知己公知林翼否耶祇此一節已勝於農人又按書牘卷二十二己卯與鄭小璠書云別四十載不得一見回憶金臺聚首故交如樾喬華甫霖生潤之與先生及不肖數人跌宕風流未會試榜發復見堪覆按由己卯上溯戊戌相距正四十年也

遺出都迂道謁陶文毅公江南

公于孝同先考事略云戊戌會試薦仍未中出都至江南

謁陶文毅公於節署

既歸遂決計不復會試

文集亡妻周夫人墓志銘云北三試禮部不第遂絕

意進

始畱意農事於農書探討甚勤以區種爲良作廣區田

圖說指陳其利

奏稿卷五十覆陳迤屯實邊摺云微臣家世寒素耕讀相承少小從事隴畝於北農南農

諸書性喜研求躬驗而有得書牘卷十九丁丑與譚文卿中丞書云弟自戊戌罷第歸來即擬長爲農夫沒世於農書探

討頗勤嘗自負平生以農學爲長其於區種一事實有閱歷師行所至輒教將士種樹藝蔬爲長其於區種一事實有閱歷

農諸務故却餘之區得稍有生意兵民襍處臨去尚頗依依亦當日爲農之效也又卷二十五丁丑與沈吉田書云僕

早歲甘於農圃不樂仕進所求易足無營於外心亦安焉復按部鈔錄經史分旰餘閤鈔

本經部史部是年六月鈔讖輔通志

按讖輔通志鈔本卷首公自注歲辰戊戌天貺

前一日開鈔卷端署曰旰餘閤鈔本史部

以次及西域圖志各直省通志於山川

關隘驛道遠近分門記錄爲數十巨冊

按公手鈔本今存於家者尚五十六冊

道光十九年己亥公二十八歲

春初來長沙居景喬先生碧湘宮宅晤新化鄧湘皋顯鶴鄒

叔績漢勳

書續卷一己酉與鄧小芸書云憶己亥之春先生與宗棠同住碧湘宮家仲氏宅一日忽語及明史

文苑去取多不足信此時史局諸老多吳越人而湖外老宿遂鮮甄錄尤深爲不平先生笑云吾輩亦大可慮不能無望於後从者耳言猶如昨不謂事已至也按書中所傳先生乃新化鄧湘皋先生顯鶴時公尙寄居妻家周氏庚子自題小像詩有九年寄眷住湘潭之語謂壬辰至庚子九年也碧湘宮在長沙迺景喬先生所居故題小像詩又有機雲同住素心違及碧湘宮畔雨霏霏之句今春公蓋自家來長沙居此又文集卷一鄒氏遺書序云回憶四十年前碧湘宮畔更聞燭炮雨聲斷續尊酒對談時髣髴如昨也序作於光緒六年庚辰上湖己亥爲四十二年鄒叔績氏與鄧先生皆新化人而皆與公兄弟交好其時亦同寓居於此也又按文集慎齋詩文鈔序云道光十二年余與仲兄同舉於鄉出與諸

老先游嘗以文學籍時譽中開課徒自給去家輒千百里不
常聚處歲晚歸輒出所著錄相砥或談國故指列時事不
欲使外人知也然學求心得不尙苟同當各持所見相辯難
得失未析輒斷斷然余所學不逮兄遠甚兄於余所業亦少
許可每劇談竟夕爭駁不已家人迺溫酒解之酒後或仍辯
難或遂釋然雖諧語常露憨態回思多可笑者蓋亦此數年
間情事也時公益屏棄詞章之業引詳下賀蔗農注刻厲於學以寡

言養靜二端自課

書牘卷一是先生寄懷詩注蔗農先生書云承論

隱微幽獨之中戒慎必不容緩宗棠自維氣質麤駿動踰閑
則年來頗思力爲克治冀少變化其舊然而消融不盡乖戾
時形卽或稍有覺察旋自寬假病根蟠固愈深隨處輒見尋
思致此之由覺先儒涵養須用敬五字真是對證之藥見已
深自克厲嚴爲課程先從寡言養靜二條實下工夫彊勉用
力仰荷至教雖極愚頑何敢以空言妄對自欺以欺吾師乎
又家書壬戌與孝威書云近時聰明子弟文藝粗有可觀
便自高位置於人多所凌忽不但同輩中無誠心推許之人
卽名輩居先者亦貌敬而心薄之舉止輕脫疏於自喜更事
日淺偏好縱言曠論德業不加進偏好聞人過失以言語侮

人文字議人與輕薄之徒互相標榜自命爲名士此近時所謂名士氣吾少時亦曾犯此中年稍稍讀書又得師友箴規之益迺少自損抑每一念及從前倨傲之態誕妄之談時覺慚赧按言中年受師友箴規之益迺自損抑當亦言此時爲輿地圖說於山川道里疆域沿革外條列歷代兵事書牘是年上賀蔗農先生書云宗棠近仍從事地理圖說擬於山川道里疆域沿革外但條列歷代兵事而不及形勢蓋以地無常險險無常恃攻守之形不可前定非僅不欲居榮士之名已也按公所爲輿圖說今佚書廣卷十一辛未與楊石泉中丞書云壯侯屯田三奏芻糧輕重多寡言之詳盡少時頗怪其指陳瑣屑近歷其地迺信古人誠不我欺亦見屯田之不可已當亦暇日就所居種桑千本令家人飼蠶治絲潭此時之所見矣暇日就所居種桑千本令家人飼蠶治絲羅氏汝懷綠漪草堂詩集和左季高自題小像詩有云搭地九州歸指掌匡時五畝樹蠶桑自注君專治地理學近又種桑治絲按詩集公自題二十九歲小像詩第六首有云嬌女七齡初學字稱桑千本乍堪蠶周夫人節性齋詩鈔和季高夫子自題小像詩亦有云清時賢俊無遺逸此日溪山好退藏樹藝養蠶皆遠略由來王道重農桑書皆作於明年庚

子其事必不出此兩年間姑以編於是年 秋賀蔗農先生赴

閱公爲詩餞別會者十人湯山人燮作城南餞別圖綠漪草堂文集城南餞別

圖序云與於會者沈大令道寬鄧學博顯鶴湯山人燮左學博宗植楊上舍季鸞陳上舍泰階及門則鄒漢勛左宗棠凌玉垣暨汝懷凡十人按慎齋詩鈔城南餞別圖詩序云道光己亥秋日小集城南餞別賀蔗農先生赴關會者十人湯叔尺蠖爲城南餞別圖同人皆有詩宗植未也據此則公當日必有詩今集中未見 瀕行公與湘潭

羅研生汝懷送之江干書牘卷一庚子與賀丹麓先生書云萬山秋氣競赴重陽憶去年此日吾

師艤舟待發宗棠與羅研生候送江干橫渡而西振衣麓山之頂夕陽在山始覩歸徑舟中隈坐語吾師行蘇竟夕無眠

按寒香館詩鈔正有左子季高羅子研生挈舟相送七律一首蔗農先生至九江爲詩寄

懷公書牘卷一辛丑上賀蔗農先生書云家兄寄至賜書詩扇始得讀吾師前年至九江舟中見示之作辱蒙垂憶

感悚交併按寒香館詩鈔舟中懷左季高詩有云六朝花月豪端掃萬里江山眼底橫開口能談天下事讀書深抱古

人情自注季高近棄詞章爲有用之學談天下形勢瞭如指掌又按書牘卷二十四庚辰荅陶少雲書云僕早歲言大志大於時賢所爲多所不屑先師賀蔗農先生曾以詩詡之雖語重未可荷然至今回憶深歎師言期望之殷非常情可比

是年陶文毅公歿於金陵喪歸蔗農先生貽書命公教

其子枕

書牘卷一是年復賀蔗農先生書云頃陶文毅之喪歸自金陵吾師命宗棠爲教其孤子宗棠與文毅有

一日之雅故又重以吾師諄諄之命其曷敢辭

道光二十年庚子公二十九歲

授經安化陶氏陶氏所居曰小淹自是館其家者八年

公子孝同

先考事略云庚子館安化陶氏其地曰小淹文毅子枕受業府君攜世父嗣子世延從讀自是歲至丁未均館於陶氏按書牘卷一己酉與胡潤之書云陶壻訂明年讀書長沙之約此子從學八年資議尙正冀有所就以延文毅之澤蓋言在小淹里公徧覽文毅公所藏第八年也

本朝憲章

胡文忠公集卷五十四啟程晴峯制軍云左孝廉品高學博性至廉潔在陶文毅公第中讀本朝憲章最多

其識議亦絕異其體察人情通曉治體當為近日楚材第一

一疏稿係覆陳西域事略其時喀什噶爾邊外即報英吉利

商人從邊外過北路售貨者當時不知其所自來以昨威

妥瑪代安集延乞降之事言則泰西與教罕潛通蓋已在數

十年前矣封疆諸公從未有議論及之者亦殊可怪又書廣

卷二十四庚辰上總理衙門書云宗棠憶及道光年間粵紳

潘仕成曾以洋人雷王士所製水雷進朝命天津鎮向榮

監同演試有驗比經復陳有案不解後此談洋防者重訂往

何以并無一語道及按此二事蓋皆當日所攷知也

歲所繪輿圖府公子孝同先考事略云文毅公家藏書籍甚富

輿圖并乾隆內府輿圖悉心攷索以訂正昔年所繪輿圖

脫誤按書牘卷九丁卯上總理各國事務衙門書云泰西

各國與中國遠隔重洋本非屬國康熙中官書有英主黎來

朝之事其儀節不可考自注見國書集成當即英吉利主者

字之譌黎者音之譌也按國書集成非軍中所能

摺發據事略所言蓋卽是時所攷訂之一事矣

先是英

人通市廣東觸煙禁啟釁公乃攷覽往昔海防紀載奏稿卷十八擬

試造輪船摺云臣自道光十九年海上事起凡唐宋以來史傳別錄說部及國朝志乘載記官私各書有關於涉海國故

事者每涉歷及之粗悉梗概是年夷船遽犯浙江陷定海林文忠公則徐

罷遣成琦善為兩廣總督夷遂要求香港徑陷沙角大角沿

海大震公聞警憂憤數貽書賀蔗農先生論戰守機宜按書均詳

書廡是年所上賀蔗農先生書又按賀蔗農先生崇祀鄉賢錄道光十九年入都二十年二月補山東道監察御史六

月轉掌四川道監察御史九月以目疾乞假歸唐氏鑑賀君墓志銘云退歸後仍主城南講席故此後與公復頻通書問

也為料敵定策海屯器械用間善後諸篇按諸篇稿本殘闕皆公所手草推其

詞意蓋作於是年也九月賀公長齡自貴州還書幣招公書廡卷一

丹麓先生書云中丞公當代鉅儒宗棠年甫弱冠辱蒙許可國士之知淵源之雅寸心藏寫未敢偶忘前此屢蒙嘉招會

值垂迄今承諭復申前說又重念其貧許以重幣開命悚惕
惟文毅家預訂明年之約宗棠已心諾之來命雖殷成言敢
食按丹麓先生名桂齡為賀公長齡弟攷賀公家傳道光
十六年擢貴州巡撫至二十五年擢雲貴總督則是時正巡
撫黔中也
是年有陶氏三台山石墓記一首自題二十九歲小
像七律八首按公詩文多散佚出山後軍中偶有所作幕府
士錄記之公自題曰盾鼻餘瀝光緒辛巳刻於
京師後公子孝同搜輯家存遺稿併刊之共得文九十三首
此詩三十七首次為五卷茲就有年分可攷者則著錄之後仿

道光二十一年辛丑公三十歲

是年英人據香港總督琦善逮問官軍戰數不利夷船進逼

廣州公聞之為感事詩四章以寄憤按書廣卷一
是年上賀
蔗農先生書云近作感

事四首聯以抒發憤懣不可言詩詩今存集中時湘潭黎君吉雲以翰林入臺諫勇

於言事公預戒以進言須有次序論事須察緩急至是夷事

日壞遺書詢公進說所宜公對以非嚴主和玩寇之誅詰縱

兵失律之罪則人心不聳書牘卷一主威不振是年上賀

樞喬自履諫垣三上奏牘聞皆切務之譚惜未獲觀其草也

宗棠前與之書云進言須有次序論事須察緩急伊頗深以

爲然而於洋事海防尤所屬意茲屬詳陳其概以便採擇竊

思方今時事之壞無過上下相蒙賢奸失別病源所在攻達

爲先謂非嚴主和玩寇之誅詰縱兵失律之罪則人心不聳

主威不振然世局已成欲以疏遜小臣之一言徐悟主

聽豈可已夷再犯浙江鎮海甯波相繼告陷公聞而益憂之

得哉

書牘卷一是年上賀蔗農先生書云洋事日蹙不佳浙西復

作敗局道路傳說紛紜罕得真確僻處深山不聞消息亦轉

畏聞消息也以一二庸臣一念比黨阿順之私令天下事敗

壞至此百爾君子未聞有以公是公非誦言於殿陛間者

仕風臣節如此古今未有也天下無不了之事無不辦之卷

亦未嘗無了事辦寇之人然由今之道無變今之俗則正未

可知 是年有跋陶文毅公節書馮定遠襍錄後一首按文今存

集中有云公以此冊贈王平舫先生歲辛丑余館公里第先生自岳陽寄示命題既錄副本儲示公子枕藉識數語於後

道光二十二年壬寅公三十一歲

是年英人掠吳淞入江遂犯江甯和議成五口通商時事益

棘公憤極欲買山隱居書願卷一是年上賀蔗農先生書云時事竟已至此夢想所不到古今所

未有雖有善者亦無從措手矣買山而隱為苟全之計此時

已覺其遲失此不圓更為無策按書云古今所未有故知

在白門議力耕讀書以自勉其所未至書願卷入乙丑答吳

款之役也後讀書漸多閱世漸深知區區之存於心中自以為是者僅

足以傲今無足指數之人而於古之狂狷實未逮也則願力耕讀書以自勉其所未至時益陽胡文忠公林翼居父憂歸里文忠為陶

文毅公墳時至小淹就公區畫其家事胡文忠公年譜云陶文毅公以戊戌薨於

位眷屬歸居安化小淹里第其子統方七歲公壬寅居憂歸時往經紀其家政又主聘左季高先生簡公子俾成立公子孝同先考事略云先是文毅公卒子統甫七歲鄉里視其孤弱頗有覬覦之者賀公照臨尤思所保護之自府君居館後與賀公暨胡文忠公議出貲分贍鄉族貧乏有非意之干則待以至誠皆感畏帖服賴以安焉而夜與公連牀談古今大政恆至達旦胡文忠集卷五十五壬子致公書云林翼之先人與先生之先賢交最厚林翼與先生風雨連牀徹夜談古今大政前後十餘年又卷六十致雲貴總督張石卿書云季公在小淹時每與林翼縱談自嗟遲暮以為非夢養良弼不可有為按文忠與公齊年生緣文忠年譜道光十年已隨侍京師壬寅居詹事君憂歸至丙午正月始入都報捐知府書云前後十餘年則連牀夜話於此數年情事尤合也

道光二十三年癸卯公三十二歲

是年買田湘陰東鄉柳莊

文集亡妻周夫人墓志銘云道光二十三年余舉積年脩脯買田柳

莊明年遂居湘上此為有家之始

道光二十四年甲辰公三十三歲

秋九月自湘潭逐家柳莊

書廬卷一 是年荅張玉夫書云今

中置薄田七十畝餽粥有藉長爲太平有道之民則幸甚耳

文集慈雲閣詩鈔序云道光末余逐家湘上外姑念女及

諸外孫其時攜孫女翼純來柳莊暇以詩課諸孫每夜列坐

誦聲徹戶外公子孝同先考事略云甲辰九月由湘潭周

宅迢居湘陰東鄉之柳家衝署其門曰柳莊每自安化歸來

督工耕作以平日所講求者試行之日巡行臨畝自號湘上

農人

道光二十五年乙巳公三十四歲

是年閱近儒著論之書萬卷以農家爲生人要務思爲一書

以詔農圃

書廬卷一 是年與羅研生書云近人著書多簡擇

易成而名美者爲之實學絕少僕近閱新書殆不

啻萬卷賞心者不過數種已耳學問之敝人才之衰此可概

見僕近因農家爲人生第一要務而古近頗少傳書思有所

述以詔農圃志此者數年矣而尚未得成卷帙不過十數通篇精力想尚可及晤時當詳告之亦人世不可少之書也

分類撰箬曰橫存閣農書

按是書稿已殘今存公家

秋間胡文忠公來小

淹晤談十日而別

前在此會蘇盤桓十日而別深信宗棠相與之誠而以慮事太密論事太盡為宗棠戒切中弊病為之

欣服不已然其論出言不宜著邊際之說似又不然也

公甲辰上薦農先生書云叩別後抵小淹始悉文毅夫人棄

世之耗則是年胡文忠蓋來會其葬也書願以此書編於丙午則文忠正月已入都無由來小淹矣又書中有云前奉八月中旬鈞復故知為秋間也

道光二十六年丙午公三十五歲

是年以古農法耕柳莊之田益種茶植桑竹以盡地利

書續卷一

是年上賀蔗農先生書云宗棠自耕之田略以古農法之便於今者行之甚良茶園所入今歲差可了清國課逐漸增加於人事不無裨益儻更桑竹之利成其可以存廉恥而廣惠愛者大矣又上年與蔗農先生書云宗棠於農事頗有

所窺嘗問之而得其事亦學之而得其理以爲今之農者與
今之學者弊正相等皆以欲速見小自誤而以誤人其關係
天下不小也至築牆作塚建碑堡及栽種畜牧之法近頗有
得爲居鄉所必須公子孝同先考事略云府君於柳莊蘇
茶種樹期盡地利湘陰八月長子孝威生行略云先兄名
產茶實府君爲之倡
孝威字子重生時值久旱父館安化忽夢雷電繞身是歲
大雨如注數日柳莊書至知是日舉一男命曰霖生
賀蔗農先生卒唐氏鑑賀君墓志銘云卒於道光丙午十月
仲肅書云天下無不信吾師爲善人然仁厚之心介慎之守
誠壹之行知之而盡者蓋亦鮮焉兄十數年所得於吾師者
多在語言事迹之外竊謂稍稍受益者遺命以季女字孝威
亦卽在此每思吾師不覺汨之承睫也
文集卷三冢婦賀氏墳志云賀氏爲吾師蔗農先生季女道
光二十六年孝威生師聞喜甚謂宜婿吾女師歿黃文學兩
田丁文學敘忠羅忠節公澤
南以師遺命告遂盟昏焉

道光二十七年丁未公三十六歲

左文襄公年譜卷一

三

是年四月次子孝寬生

公子孝同先考事略云先妣生孝威體弱無乳生就咄哺之乳先乳孝威

而及八月長女適安化陶氏

按書廣卷一王寅上賀歲農先

孝寬何敢復有異說此議始於戊戌之秋今夏王師璞述文毅夫人之意必欲續成前議宗棠萬不至以世俗淺見芥諸胸中許之御之一聽吾師之命而已據此則長女歸文毅子枕議昏已有年矣

道光二十八年戊申公三十七歲

時連歲苦旱是年大水所在饑饉柳莊田禾被淹家人皆病

書廣卷五辛酉與郭意城書云兄生平境遇最苦者有二道光二十八年柳莊耕田遭淫雨之害穀盡發芽典質罄盡而

一家十二口無不患病者當吟杜老同谷歌男呻女吟四壁靜之句嚴語孺人曰吾欲改靜為空始與此時情事相肖也

公出與郡人士勸富室捐賑

書廣卷十九丁丑答譚文卿中丞書捐賑是古今通義道光二

十八年弟於授徒之暇亦曾辦過統計長沙善化湘陰湘潭甯鄉各屬所捐銀錢穀米不下五十餘萬

又於族

里積穀以備荒

家書庚午與孝威書云得族中信年饑較二

但不知吾所積之備荒義見復何如仁風團亦有積穀數年

不加聞問殊爲念之公子孝同先考事略云先是兩年苦

旱至是年大水收穫薄而穀值愈賤貧富交困府君預憂有奇荒迺勸族里儲穀以備荒

是年胡文忠

公權守安順薦公林文忠公幕府以事不赴

書廣卷一己酉復胡潤之書云

得執事歲杪急步所遞書敬悉少穆宮保愛士之盛心執事
推薦之雅誼非復尋常所有僕久蟄狹鄉宮保固無從知僕
然自十數年來聞諸師友所傳述暨觀宮保與陶文毅往復
書疏僕則實有以知公之深海上用兵以後行河出關入關
諸役僕之心如日在公左右也忽而悲忽而憤忽而喜嘗自
笑耳邇來公行蹤所在而西北而東南計程且數萬里海波
沙磧旌節弓刀客之能從公游者知復幾人烏知心神依倚
惘惘欲隨者尚有山林枯槁未著客籍之一士哉來書陳義
至大所以敦勉而迫切之者甚切僕誠無似得府主如宮保
者從容陪侍日觀其設施措注之迹與夫莅官御事之人當
有深於昔之所聞所見者縱不能有當於公之意其有益於
僕則決可知矣尙何所疑而待執事之敦促也願事有未能

左文襄公年譜卷一

四

如意者孤姪年已十七家嫂急欲為授室期在今年又陶瑁
預訂讀書之約未能忽然坐此獨果致乖夙心西望滇池孤
懷悵結按林文忠公時總督雲貴胡文忠集卷五十四啟
程晴峯制軍云湘陰左君有異才品學為湘中士類第一林
翼曾薦於林文忠因文忠引疾故未果行據公此書實以事
牽率未往且林文忠引疾尚在己酉之冬與程書蓋託辭也
道光二十九年己酉公三十八歲

公假館會城朱文公祠堦陶枕仍受學長沙黃瑜黃上達黃

濟益陽周開錫從游

公子孝同先考事略云陶氏遂居省城
仍就府君課讀府君假館徵國文公祠

長沙黃公冕子瑜上達

黃公冕子瑜上達黃益陽周公振之子開錫從受業

奏稿卷十九請署福建藩司周開錫久任摺云周開錫二十

年前從臣讀書湘中頗能刻苦立志為有用之學文集卷

三贈內閣學士周君祠碑云君少時從余讀書責實英敏學

得是年復大水公預糴穀分濟左家墩族人及所居柳莊

鄰里而柳莊地近湖壩饑民率取道門徑口赴高鄉求食絡

繹過柳莊公罄所藏與周夫人散米俵食並丸藥乞病者全

活甚眾

文集亡妻周夫人墓志銘云柳莊地近湖壩西北文涇港水經所稱門徑口者也道光未沅湘資連歲盛

漲饑民多取道門徑口赴高鄉求食絡繹過柳莊夫人散米俵食並丸藥乞病者

家書己巳與孝威書云今歲湖南水災過重災異疊見吾捐廉萬兩并不入奏同思道光二十八年

九年柳莊散米散藥情景如昨彼時吾以寒士為鄉亦何足云義可也今養廉歲得二萬兩區區之賑為德於鄉亦何足云

有道及此者謹謝之書牘卷三丙辰荅王璞山書云古無疫字醫經通作役蓋同時所患略同如徭役之役也不可以

傷寒法治之誤者必殆殭蠶蟬蛻生蜜三物尤不可少此外則芩連枝柏石膏之屬以意加減弟曾於道光二十九年設

局造藥以此方愈多人故知其理不易也公子孝同先考事略云是年東南各省大水米斗錢六七百文道殣相望府

君預出束修糶穀以半濟左家殺族人半濟柳家衝本鄉而柳莊距湘江僅十里下游飢民來就食者日千百計餓殍相

枕藉府君罄倉穀煮粥俵食病者藥之先妣與生妣親率僕媿臨門監視不足則典替

冬十一月侯官林文忠公自雲

珥減常飧佐之全活甚眾

南引疾還聞道湖上遣人至柳莊招公公謁之長沙舟中一

見詫爲絕世奇才譙談達曙迺別書廣卷一是年與賀仲肅

君三人者亦未易及也江中譙談達曙無所不及又庚戌

信林鏡帆書云十一月二十一日聞宮保尙書捐館之耗憶

去年此日謁公湘水舟次是晚亂流而西維舟嶽麓山下同

賢昆季侍公抗譚今昔江風吹浪枕樓竟夕有聲與船窗人

語互相響荅曙鼓欲嚴始各別去胡文忠公集卷五十四

啟程晴峯制軍云左君宗棠林文忠過湖上時招至舟中談

論竟夕稱爲不凡之林卷五十五與公書云先生究心地與

兵法林翼曾薦於林文忠文忠一見傾倒詫爲絕世奇才

按奏稿卷二十八王家璧懇以京堂候補片云臣與王家璧

向未謀面二十餘年前曾聞雲貴總督賀長齡林則徐稱其

萬里尋親一事非晚近士夫所有心竊敬之奏稿卷五十覆

陳迢屯寶邊摺云臣前聞之故雲貴總督林則徐當遣戌時

大興伊拉里克水利前伊犁將軍曾奏請加新賦二十萬兩

有奇惜其取之太多奏稿卷五十七請將前雲貴總督賀長

齡宣付史館摺云賀長齡沒臣晤林則徐於長沙舟中言及

滇中回惠賀長齡遺孀未釋林則徐自言知其目必不瞑已

將首稱之沈練頭等論擬如律因歎如賀某者殆古所稱大
人君子也又書牘卷五庚申與胡潤之書云僕於林文忠公
處聞公言漢之張石卿黔之胡潤之黃惺齋乃吾左右手因
詢石公所長則固開爽敏幹不易得見者書牘卷六癸亥與
周受三書云督兵房之弊索無厭實爲戎政之蠹林文忠言
總督一官最易溺職者此也書牘卷十七丙子荅劉毅齋書
云憶三十年前弟曾與林文忠公談及西域時務文忠言西
域屯政不修地利未盡以致沃饒之區不能富強言及道光
十九年洋務遣戍時曾於伊拉里克及各城辦理屯務大興
水利功未告成已經伊犁將軍彥泰奏增賦額二十餘萬兩
而已旋蒙恩旨入關頗以未竟其事爲憾又荅張朗齋書
云吐魯番產糧素多轄境伊犁拉里克水利曾經林文忠修過
記升科有案文忠談過南八城如一律照蘇松興修水利廣
種稻田美利不減東南弟當時微詢崖略未暇致詳據與賀
仲肅書云舟次譙談達曙無所不及此皆當日所言之可攷者也

志銘

作元氏縣知縣張君墓

道光三十年庚戌公三十九歲

時頻歲水旱公節縮衣食籌備積穀是年迺建仁風團義倉

手訂規約以要久遠之家書庚午與孝威書云備荒穀以見買之四百石即畱為族鄰備荒用但宜擇

經管理之仁風團亦宜分給以至義舉此吾當寒士時與爾

母慘淡經營者也公子孝同先考事略云府君以連歲饑饉既籌族中備荒穀成又悉捐家中長物建所居仁風團義倉擇公正之士經理為立規約稟有司以要久遠至今利賴

焉是年夏廣西金田寇起林文忠奉

命視師廣西卒於道書廣卷一是年唁林鏡帆書云十一月二十

書捐館之耗且駭且痛相對失聲憶去年此日謁公舟次何

圖三百餘日便成千古人之云亡此憾何極竊維公名業在

霄壤心期照古今血氣之倫罔不愛慕於公復何所憾中

艱危叢集羣小比而恭公天日高懸旋蒙鑒察士之愛慕

公者亦何所憾惟公數歷中外三十餘年經緯萬端巨細俱

關國故史館例祇鈔撮論旨章疏於我公盛節苦心不能

縷述百一若非行述家傳實敘是使我公心事不盡白

於天下後世而當年國是亦將無所徵信此則海內外知公

者不能無重望於
仁人孝子者也

公與同縣郭公嵩彝周歷湘陰東山爲

避地之約

郭公嵩彝養知書屋詩集題東山十八景畫冊詩注云周際嶺爲子結廬之地託始於庚戌與季高

爲山居結鄰之約咸豐壬子避粵寇之亂遂徙家焉按書續卷一上賀蔗農先生書云去冬歸家時即擬營一散僻之處爲他日保全宗族親鄰計近得鄉間諸昆書云得一山於湘陰長沙交壤之間去先世敝居十餘里而近其中羣峯錯互山谷深邃即方志所謂青山者也一山縣互以洞名者數冬間歸擬往謀之昔孫夏峯先生當明末造入易州五公山從者數千百人皆衣冠禮樂之士部署諸人量才分守干戈擾攘有太平揖讓之風焉魏敏果當奉母潛入蔚州德勝砦卒以免難甯都三魏與耶邦士及羣從子弟守鄉塞捍山寇寇至則挺刃交持寇退則絃誦不倦當讀書至此既服數君子保身之哲不可及而又以悲其時之人夫使數君子得行其道於天下則天下之郡縣非即其堡塞乎天下之人民非即其宗族親鄰乎而何獨優爲於此其書作於辛丑則公於東山爲避地之謀蓋已設念於十年前矣

咸豐元年辛亥公四十歲

春居柳莊

書牘卷二：是年與賀仲肅書云：兄東作甚忙，日與

土潤別有一段樂意安得同。是年紀元。

特詔開孝廉方正科。郭公嵩燾，泉縣人士，以公應舉，公辭不赴。

陰

縣圖志選舉表云：

國家制科最爲謹嚴，自雍正紀元

軍

恩舉孝廉方正，著爲例。湖陰歷經制科，無應舉者。咸豐元年

復開孝廉方正科，編修郭嵩燾以左宗棠應舉，會廣西賊起

巡撫張亮基召宗棠參軍事，遂不赴。書牘卷二：是年上詔

張兩學師書云：制科之舉在舍，賜郭鍾仙太史知同邑諸君

子以宗棠應舉云：已具呈講案，惟是宗一躬循省，字字疚

心，愧無以應。茲嘉命時前，謹具呈乞免。抄準，倘未能中，輟或

牘抵上游，宗棠仍當據情自陳。然一事而再取名，尤宗棠心

所難也。八月，粵寇自武宣竄永安，湖南戒嚴。胡文忠公時守

黎平，以書來言保甲團練之效。公復書言團練必參用礮堡

迺可以制劇寇。

按書牘卷二：是年復胡潤之書云：團練之法

粵西行之未觀其效者，蓋治小盜則團練固

不易之法若當劇寇縱橫防剿倥急之時則用團練斷宜參
用礮堡寇今分據永安州官兵之失利又屢矣豈兵勇之不
足用將領之全不足恃與賊常為主而我為客故賊服而我
忙賊逸而我勞賊設伏設險以待我而我輒中其計兵法曰善
用兵者致人而不致於人賊知我而我不知此勝敗利鈍之
機所由分也果於州近賊巢之處令鄉民盡為礮堡官給費
以倡之險要之地官兵營之亦如礮堡之式以步步為營之
法同時漸進逼近賊巢賊知將合圍必併力來撲則賊為客
而我為主矣又兵弁之遇賊即潰者將領不曉分合奇正之
術務浪
戰以不能行所以屢致敗紐者將領不曉分合奇正之術務浪
間謀我又不能變易視聽以誤之故至此也

是歲羅忠

節公澤南授經長沙公與劉公啓晤之城東定王臺因得識

其門人李勇毅公續宜王壯武公鑫李公杏春

詩集題羅忠節公遺像七

絕一首云紫光畫閣且遲開龍義長沙好秀才省議舊遊如
昨日春風歸詠定王臺自注咸豐初公館賀耦耕尚書里第
及門諸子假館長沙東郭定王臺就公請業時李公續宜王
公鑫李公杏春咸在余嘗與劉公啓晤公於此按羅忠節

公年譜咸豐辛亥

九月第三女適湘潭黎氏

文集卷三江南道監察御史黎君墓志銘云君諱光曜晚更吉雲余少君十八歲而相

為友晚更結為昏姻投契至深且久子男五福昌江西知縣

余三女

作陝西西乾郎糧儲道黃君墓志銘

按文云將以咸豐元年某

靖也

月葬君來徵銘則作於是年也

咸豐二年壬子公四十一歲

四月粵寇陷全州掠船數百將順流趨長沙新甯江忠烈公

忠源率楚勇過蓑衣渡大敗之寇遂東趨永州阻水還陷道

州分擾江華永明嘉禾藍山縣境七月陷桂陽州庚戌進陷

郴州巡撫花縣駱文忠公秉章奉

詔來京銅山張公亮基自雲南逐撫湖南未至駱公候代居城中

取閒道掠安仁攸縣醴陵犯長沙八月公自柳莊徙居湘東

咸豐初元恪靖侯左公與余兄弟同避寇地也書牘卷五

庚申與胡澗之書云僕當咸豐二年勉偏長沙之隅從前定

未一聞時議中稱衍季多累入山西金田賊竄湖南攻長沙

算強扶人挾叔容及其兄起新避寇來柳莊余方徙湘東白

水洞誅茅築屋爲自保計親黨多從避難叔容兄弟與焉

又亡妻周夫人墓志銘云咸豐二年秋粵寇犯長沙舉家遷

居白水洞親故多從之慎齋文鈔與曾淵生作更書云東

夏閭南旋卽罹完警果月以來與參贊乃事和以之
疏離萬兀蘭足荒山靖昔幼安北海之言未和所屈
丁酉張

胡文忠

公亮甚至長沙先是胡文忠公嘗以書薦公方弼公公集卷

五十五王子上張石卿中丞書云前舉衡湘之士七人左子

季高則深知其才品超冠等倫曾三次薦呈此人應介

秉性良實忠肝義膽與時俗迥異其胸羅古今地圖兵法
本朝國章切實講求精通時務訪問之餘定蒙賞鑒即使所
謀有成必不受賞更無論世俗之利欲矣又是年致公書
云張中丞兩次專人備禮走請先生一阻於兵一計已登覽
昨得中丞八月廿三日喬口舟次信言思君如飢渴中丞肝
膽血性一時無兩林文忠薦於宣宗皇帝以是大用先
生最敬服林文忠中丞固文忠一流人物也去年冬曾以大
名薦於程制軍而不能告之先生固知志有不屑也林翼非
欲濶公於非地惟桑梓之禍見之甚明忍而不言非林翼所
以居心設先生屈己以救楚人所補尤大所失尤小區區愚
誠未蒙深察且加誦讓且入山從此日深異哉先生之自爲
計則得矣先代積累二百年虛生此獨善之身諒亦心所不
忍出也張中丞不世奇人虛心延訪處賓師之位運帷幄之
謀又何嫌焉設楚地盡淪於賊柳家莊梓木洞其獨免乎
張公行抵常德發急足至山中延請公公復書辭謝是時江
忠烈公已追寇壁城南書來促公行景喬先生泉郭公嵩燾
亦皆勸公出迺應聘至則張公一以兵事任之

書廣卷五庚申與胡潤之

書云入山十餘日忽枉張石卿中丞之招欲不出應而江賊
樵自長沙以書勸其速行郭筠仙昆仲及吾仲氏同住山中
亦勸公卿不下土久矣張公此舉宜有以成其美比見石公
於圍城中握手如舊干以數策立見施行養知書屋劄記
云時承平久文吏未見兵革獨黃冕曾從裕謙治海防稍歷
事知兵部署城守機宜又素喜製造城守所需多取給其家
張亮基至急發使延致左宗棠宗棠負才氣喜言事亮基一
以兵事任之此左宗棠功名所從始也湖南委任紳士籌餉
治民遂以平寇時寇酋洪秀全已由郴擁大眾繼至按張大
亦肇端於是時稿接印任事摺云臣於八月二十四日酉刻由北門登梯入
城而二十二三等日又有郴州大股賊匪竄合賊營勢甚猖
獗屯聚城南仰攻益急公日夕區畫守具言於張公曰賊背
水面城援師既扼其東北已自趨絕地惟西路之要在土牆
頭龍回潭賊時過江掠食先以一軍西渡扼其他竄可一鼓
殲也江公忠源亦以爲言張公深韙之於時援師壁城外十

總兵督師未至莫相統攝張公先後檄總兵常存馬龍以所部西渡皆畏賊不戰已督師賽尙阿公以

內召過長沙張公迺白遣提督向公榮赴西路督戰向公既渡江遷延不進寇益遣其黨西屯水陸洲爲援應向公已迺擊洲上寇中伏而敗而攻城寇穿地道益急公請調鄧紹良瞿騰龍率八百人入助守丙辰南城地雷發鄧紹良所部力捍之十月丙戌地雷發金雞橋和春公江公忠源自城外堵之寇專恃地道攻城既再被創內謀他竄會新帥徐公廣縉至衡州遣提督福興來湘潭公白張公爲書速福興督所部疾出河西扼龍回潭而先遣知府朱啟仁築壘以待福興竟不至

張公憤欲自督兵往公與江公力贊之而以寇穿地道尙急

未行至乙未南城地雷裂城至八丈復爲瞿騰龍所堵禦寇

計窮越一日丙申遂乘風雨暗渡竄龍回潭而去書牘卷二

少雲書云徐帥用兵實非所長賊已北竄始悔不用河西合

圖之策向軍門來書亦然已無及矣使當賽相掣問爵帥

未到之先卽用中丞署理大臣篆務賊縱不卽平亦萬萬不

至蔓延北省虎狼落窠復又縱之俾得從容逸去粵西用兵

以來似此失機者屢矣不戮長沙解嚴寇迺由甯鄉竄陷益

一大將何以鼓勵戎行也陽掠船出臨泚口十一月己酉破岳州湖北提督博勒恭武

先三日棄城遁寇畱四日遂乘流東下是時湖南吏治罷極

土匪乘寇至所在蠶起粵寇旣北竄公助張公壹意以整飭

吏治捕治會匪爲務書牘卷二是年與陶少雲書云此間見

在通飭各州縣查辦會匪盜賊痞棍州

縣不能自治則委員治之官紳士民聯爲一氣自可辦理妥當惟吏治不修故賊民四起此時再不嚴治奸民慎擇牧令事更不堪問矣堅壁清野之策岳常澧及寶永郴桂尤爲急務當卽議舉行以收團練實效張中丞明爽果斷或可相與有成首討瀏陽徵義堂土寇書廣卷七甲子與徐樹人書云弟自咸豐二年入湘幕以來以練鄉兵治土匪爲急務而除瀏陽澧州兩巨案外未嘗用兵捕匪入九年來所誅斬眞匪三千餘迄少冤濫而句連黔粵煙鹽各梟及會匪齋匪有名迹者亦尅有漏逸可見治匪在嚴首惡用土民不在多所調發徵義堂者亂民

周國虞曾世珍等所立會名也始假團練爲名陰署徒眾爲暴已久寇圍長沙時廩生王應璜獲其通寇書國虞等殺之逆迹大露瀏人赴愬江西江西巡撫咨請捕治官吏皆重發難而知縣猶保明其無異志已又奉

密旨捕反者會江公忠源平巴陵土寇晏仲武旋師公遁密緘爲

方略馳付江公

養知書屋劄記云江忠源平徵義堂實受方略於左宗棠發謀決策皆宗棠任之張亮基

受成而已奏報及

方略所載但著張亮基而名不及左宗棠私家紀述以補

方略之闕遺

是年有與江公書條列討徵義堂

按書隨

用兵機宜後平寇壹如書中所籌江公遂自平江取開道入

瀏陽既築壘遽張示捕誅渠魁宥脅從知縣大駭發急稟詣

省城請益兵當築壘時國虞等陰覬官軍少以爲易與越日

遽率眾數千來撲營江公遣一營衛縣城而自督兩營拒戰

大破之下令良民詣營領牌者貸舫其夜解散至數千遂進

逼其巢獲寇目曾世珍朱興祥等斬以徇殲其黨七百餘人

用兵十二日而事平十二月粵寇陷武昌湘鄉曾文正公國

藩以侍郎居憂歸里奉

命幫辦團防張公檄調湘鄉羅忠節公澤南王壯武公鑫羅公信

南所練勇千人至省城備防守

曾文正公文集湘鄉昭忠祠記云咸豐二年十月粵寇圍

攻湖南省城既解嚴巡撫張公亮基檄調湘鄉團丁千人至長沙備防守羅忠節公澤南王壯武公鑫等以諸生率千人者以往維時國藩方以母憂歸里奉命治團練於長沙因奏請就見調之千人略仿戚元敬成法束伍練技以備不時之衛由是吾邑團卒號曰湘勇按張大司馬奏稿籌辦堵剿事宜摺有云臣委明幹官紳選舉鄉勇一二千名即由紳士管帶仿前明戚繼光之法行之前遵旨傳知丁憂在籍侍郎臣曾國藩幫辦團防俟其到省面商妥為辦理正與文正所言拔都司塔齊布公權中軍參將按書廣卷二甲寅答相證

候補都司弟於稠眾中首拔識之薦之石帥濂公未及兩年膺兩君保薦致曾張二公奏稿保薦塔公皆在癸丑六月云未及兩年則拔權

湘軍遂由此起

咸豐三年癸丑公四十二歲

正月粵寇棄武昌下陷安慶張公亮基奉

命署湖廣總督彊公與偕

書牘卷五庚申與潤之書云石公奉權督湖廣之命彊僕赴鄂是爲三年正

二月十而以公防守湖南功入告得

旨以知縣用并加同知銜丁卯從張公至武昌時寇去甫十餘日官署民舍被寇焚燬公私蕩然駱公秉章時被

恩旨署湖北巡撫激浦嚴公正基署布政使張公奏調江公忠源署按察使皆一時人望迺悉除官吏壅蔽積習修城郭籌兵食通商賈卹難民治土匪逸寇鉅細畢舉批答咨奏皆公一

人主之晝夜劬瘁

胡文忠集卷五十七癸丑與公書云石卿先生公誠英勇極力振飭楚中數十年積

弊當可復見天日聞先生勞神案牘無片刻之暇宜延一精曉例案之幕友以管咨題文案而先生專管例外之奏摺及

例外之文批則精力有餘智慧更大

二月粵寇陷江甯據之遂迭陷鎮江揚州

三月通城土寇倡亂遣江公忠源往討斬逆首劉立簡崇陽

嘉魚寇復起江公迻師破之甫定江公奉

命赴江南大營幫辦軍務

按曾文正公文集金陵昭忠祠記云三年寇破金陵據為偽都向榮為欽差

大臣自湖北逐賊而東至則城陷逾旬日又繼陷鎮江揚州而都統琦善亦以欽差大臣由河南進至揚州自是廣西

元從諸軍駐金陵者號為江南大營北四月駱公秉章迻撫

來新集諸軍駐揚州者號為江北

湖南追敘公平徵義堂功請

書廣卷二是年與陶少雲書云去年瀾陽案保舉駱中丞以我

旨以同知直隸州選用公辭不獲

首先決策奏以直隸州升已黃州廣濟奸民宋關祐抗糧戕

用我上書辭之無及矣官眾至萬人張公奏江公便道往剿迭敗之五月金陵寇分

黨北竄滁州

詔趣江公赴援甫就道寇船數千駛至彭澤江公畱屯九江六月

公與張公親赴黃州設防田家鎮

按張大司馬奏稿籌辦楚豫交界防剿情形摺云所

有設防分援各緣由業於大月初二日由行營具摺拜發今檢公手稿是年六月初二日正有籌辦江西防分兵援江西一摺又書牘是年與陶少雲書云賊攻江西我軍設防田鎮制軍於軍謀一切專委之我故不及通信則公實已從行也

已而寇進圍南昌江公援江西張公亦遣都司戴文蘭率二千人助守是月舉劾兩湖各屬將吏三十七人七月滁州寇竄河南新鄭許州檄按察使唐樹義赴應山孝感北界防禦寇遂改由羅山犯黃安公策寇必由麻城黃岡內河圖出江上竄武漢迺檄唐公所部許連城等由河口赴黃安拒剿而

悉遣省城兵勇三千餘人以都司董玉龍同知張曜孫等率之星夜馳赴團風鎮扼其入江之路許連城軍行抵麻城寇眾數千人適至官軍分兩路敗之八月癸酉朔寇果趨團風鎮掠船出江適所遣董玉龍張曜孫各軍已先至遂麾勇乘船四面擊之斬其酋數人寇大卻夜半復鼓譟乘之溺斃者無算乙亥寇分水陸逃竄水軍窮追至新洲寇復大破其由陸路竄出者許連城等扼之馬鞍山斬獲尤眾寇以數百人遁去凡八日悉定

養知書屋文集仲弟構東家傳云張公每夕手挈總督關防以屬左公及君曰軍情緩急眉睫間耳有發先行而後告李開方自河南折而南夜半得報急調兵會鵠公頸聯與賊還賊出不意大擾亂斬李開方殲其軍報至張公始知賊之分馳北竄者於是燔馬書廢卷二是年與陶少雲書云粵賊由河南竄入湖北之黃

安意圖由麻城黃州內河出江上竄武漢僕於其時盡遣省城兵勇三千有餘力扼之聞風鎮官軍到南數刻賊三千餘果由此水陸并進我軍奮勇力戰寇分水陸竄去復分兩路追之賊遂四散其由羅田竄安徽者不過二三百人是役甫及八日非制軍相信之堅斷不能有此奇捷用兵無他訓練得法謀略須先賊一著自然應手僕自去年佐制軍平瀏陽土匪解長沙重圍今年平通城廣濟土匪剿此股賊匪頗是有閱歷其實與平昔所論相合尙有見到而未能行者

月南昌圍解寇船悉出湖口己亥竄踞九江辛丑窺湖北廣

濟越日遂上犯田家鎮防軍督糧道徐豐玉禦之張公調董

玉龍張曜孫各軍助守九月癸卯朔連戰擊退之會張公遂

撫山東吳文節公文銘總督湖廣公迺辭歸書廣卷五庚申與胡潤之書云

九月十三日石公赴山左僕迺辭歸初寇竄江甯公建議三省合力設防東西

梁山寇圍江西時復建議製備戰船皆先後爲張公草奏以

聞

按監利王氏柏心泰室吟是年贈公詩有云吾子天下才文武足倚仗談笑安楚疆借箸無與議建策提梁山事寢默憫懷復

議造戈船進破萬里浪鄂渚臨建康拊拊等宵曉從此下神

兵勢出九天上贊畫子當行麾扇坐乘舫是時王氏與公同

居張公幕府二端蓋尤公所注意故詩中及之分提梁山事

既不行賊以上竄江皖造船以爭大江之險同時郭公嵩燾

江公忠源守南昌皆以爲言湖北以張公遂設局製造船礮也

嗣於衡州創立水師後公佐路文忠公遂設局製造船礮也

歸舟過監利王子壽柏心適園員奏稿卷五十四已故軍務人

前刑部主事王柏心湖北監利人素以文學見重於時咸豐

三年臣從已故署湖廣總督張亮基在鄂王柏心與臣同居

幕府見其籌筆從容算無遺策後張亮基調撫山東臣與王

柏心同舟而歸過其所居適園王柏心盡發所著錄數十種

見乙丑至湘陰江忠烈公集是年與郭筠仙書云季兄天下

皖省未敢啟齒弟爲我代探之是月田家鎮軍潰巡撫駱文

非爲忠源而來爲天下而來也

忠公聞公歸數遣書幣招公公辭不出

汝充書云兄歸後數

日略中丞及方伯廉訪諸公以書幣見招並委鄭司馬入山
敦促禮意優渥然年來心血耗竭不欲復參戎幕已託詞謝
之自此匿迹銷聲轉徙荒谷不敢復以姓字通於塵界矣
十二月江忠烈公忠源以安徽
巡撫入守廬州城陷歿之是年三月三子孝勛生

左文襄公年譜卷二

咸豐四年甲寅公四十三歲

正月寇陷黃州總督吳文節公戰歿寇進圍武昌二月上陷

岳州進陷湘陰公居白水洞

按索室吟是年有寄訊公詩云武庫森然鬱在胸歸來雲壑暫

從容人從方外稱司馬我道山中有伏龍多壘尚煩三輔戍解嚴初罷九門烽何當投袂平祇亂始效留侯訪赤松當是

是年正月賊未上寇揚言將入山索公公遺書劉公蓉言官

軍宜分東西進剿未及行

書牘是年與夏憩亭觀察書云弟居距縣城五十餘里當賊踞縣城

之時游氛四出謠言疊起從賊中脫出者言賊將入梓木洞得吾而甘心焉今幸暫免是又得一生也書又云十二日

弟復劉霞仙書云賊眾不過數千若河東河西分兩路進剿每路以精兵千餘為游擊之師俟出倏沒當可得志西路保

護白沙洲靖江喬口臨泚口兼顧甯益東路保護銅官金紫灣樟樹港兼復湘陰使其策行必獲大捷寇繞西

陷甯鄉曾文正公方治軍衡州遣儲玖躬援甯鄉駱公遣王公鑫率所部出湘陰已儲公戰甯鄉歿之王公鑫敗寇于靖

江寇驚大軍至悉散走三月曾公自衡州督水陸萬人進發

貽書邀公公辭之

書牘卷二與夏應亭書云滕公正人弟以剛拙之性疏淺之識萬無以仰贊高深前

書代致拳拳有感而已

先是胡公林翼以賁東道率黔勇敗寇通城塔

齊布公所部繼之王公鑫既復岳州議會勦崇通前隊進羊樓司失利寇復上陷岳州大軍退保長沙寇遂進逼靖江駱

文忠公復遣使入山敦促公念時事益棘迺出

書牘卷五庚申與胡潤之

書云鄴門中丞及司道府縣諸公三遣使幣入山敦促再出時逆賊披猖已陷岳州而南距長沙七十里耳不得已勉爲一行四年三月初八日入署駱文忠公自訂年譜云上年冬左季高先生自武昌回湘陰屢次函請到省幫辦軍務不

就四年三月同塔陶桃到省捐輸極頃之寇復取道甯鄉繞

竄湘潭先時寇逸騎至梓木洞公親率百人入山挈家出遣

人送赴湘潭越日而湘潭城陷

書牘卷二 是年與陶少雲書云土匪到梓木洞者三十餘

人即親率楚勇百人往接於廿六日送往湘潭廿七卯刻過縣城次日抵辰山而賊適於廿七日辰刻到湘潭爲時不過數刻竟

獲保全是時省城上下數十里皆寇官民惴惴不相保曾公

集眾議兵所向皆謂宜先靖江攻寇屯公獨主援湘潭時已

檄塔齊布公援甯鄉迺改令援湘潭而遣彭公玉麟楊公載

福水師五營繼之書牘卷二 是年與陶少雲書云賊泊靖江登陸由甯鄉竄據湘潭爲夾攻省城之計

僕與曾滌生侍郎商議即遣陸軍四千陸續馳往水師五營繼之

丙寅塔忠武公戰湘潭大

捷水師至夾擊燒寇船幾盡四月辛未復湘潭城殲寇逾萬

人其日曾公攻靖江不利退還長沙公省之舟中與收餘船

礮械圖再舉

文集卷二銅官感舊圖序云公同舟南湖港其晨余繞城出省公舟中則氣息僅屬責公事尙

可爲速成非義公瞠目不語但索紙筆書所存火藥丸彈軍械之數屬余代爲點檢而已

按黎氏庶昌曾文正公年譜云公敗於靖江憤極赴水兩次皆左右援救以出故序文云

然

又書牘是年與胡潤之書云滌公自岳州歸後弟無三日不過其靖江寇聞湘潭大敗掠船由岳州西陷龍陽敗屯

軍絮聒之

靖江寇聞湘潭大敗掠船由岳州西陷龍陽敗屯

將周鳳山

書牘卷二是年與胡潤之書云龍陽大潰之狀鳳山之內不足食也三面臨水之地無水師接應豈可

營紫五月甲寅陷常德而寇由陸路逸出者繞由江西萍鄉萬

載會湖北通城寇復南犯駱公奏調胡公林翼督趙啟玉各

軍出常德

書牘卷二是年復胡潤之書云援勦西路大事也豈可無一主持之人既以兄任其事矣豈可不奏

且我輩此時已拋此七尺性命在所不計則樞氣受苦惱又其小者矣事到無可如何時不必計較成敗利鈍與己之堪

此與否且索性做去爲宜在事一日且做一日除正事外不必多作一想多起一念轉安靜也夜擬札查龍陽失利事意在警鳳以折其驕悍之氣使其有求於老兄或就羈勒絕此大挫之後又須養之時日其氣漸固始可用之黔勇膽氣未必人人皆強亦未必皆怯使強者先而怯者繼之則怯者亦彊且膽氣亦必臨事始見苟非先事預辦一走之人臨時又無人牽引卽怯者亦未必先走祇要臨時有一點畏王法顧主將之心則可不潰矣然平日工夫甚多談何容易江

忠淑自平江勦通城寇而檄塔齊布公由湘陰趨岳州六月戊辰常德寇棄城走岳州己巳湖北武昌復陷庚辰曾公檄羅公澤南軍自新牆會塔軍而親督水軍十營繼進閏月戊辰朔克岳州水陸連戰皆捷乘勝東下甲戌江軍亦收通城自寇去湖南境公仍欲辭歸而駱文忠公推誠委心所計畫無不從得盡所爲迺復勉留自是以至庚申六年公遂專湖

南軍事

書牘卷二是年與周汝充書云世局日艱兄晝夜捐

岳常遭早無事則兄徑歸矣

又是年與陶少雲書云長沙

大局略定思更名隱姓竄匿荒山而中丞推誠相與軍事一

切專以相付不得不留此共相支撐按書牘卷七乙丑與

徐樹人書云弟前幕湘遇有不可者必力陳之張駱兩公不

以為忤書牘卷二十六癸未與郭筠仙侍郎書云弟自入居

湘幕駱文忠初猶未能盡信一年以後但主畫諾行文書不

復檢

當是時湖南新羅寇亂民物凋耗北境岳州逼崇通時

虞寇復上犯南境郴桂地接廣東連韶永寶地接廣西全桂

所在土寇蠭起日夕圖北出合金陵寇轉相屯聚與腹地土

匪響應警報日數至而湖南良將精卒已悉從大軍東征其

餉糈船礮軍械壹皆仰給於湖南公佐駱公內謀守禦外籌

軍實劾奏失守鎮道以下十八人與屬吏更始先是王壯武

公鑫自岳州敗歸公獨慰勉之唯賂公亦以爲國士

王壯武公集卷

入與左季高先生書云岳州敗歸蒙殷勤詰誡雖骨肉無以加嗣後四奉手書語語從至性流出而入人心坎鑫何幸而得此知己乎自獲戾以來每念深負君國又痛諸友諸勇殉難之慘肝腸寸裂忽忽焉不知生之可樂而歿之可悲但既蒙中丞生歿肉骨之恩俾及於寬政不以卽費而至是檄以使畱殘喘以圖贖鑫心非木石尙敢自愛其身乎至是檄以湘勇五百人防廣西寇會游擊周雲耀軍屯江華檄李輔朝率楚勇九百人防廣東寇會知府王葆生南勇屯宜章而奏畱胡公林翼軍岳州當北路設紳局於會城製造船礮丁公善慶黃公冕李公概等司之公親董其成

駱文忠公奏稿籌備戰船摺云水師

戰艦以堅固便捷爲要然求其堅固船式不合往往笨滯而不靈求其靈便船質太輕往往震動而不穩論造船之精妙雖篙師船戶之說亦人人殊然總其大要則購材宜審船式宜精監造貴在得人工料不可太省數語盡之委紳監造礮

位片云水師爲東征大局所關船礮迺水師急務臣紳士黃冕前在甘肅監製礮械出力咸豐二年賊犯長沙臣委該紳造熟鐵礮位礮身輕而膛口大擊遠有準但製熟鐵礮工價比較鑄生鐵礮費多而工遲裝振麟既不能前來仍令黃冕一面多設鐘座一面勸捐經費即日興辦按書牘卷二是一年與劉公蓉書云三板一隻用錢至百緡木料油灰麻筋鐵釘槩葉俱取最上者計一船可得兩船之用此時有船有勇而無礮真是無法近命製劈山礮百尊式如大擡礮而身只五尺能喫半斤子可致遠四五里勒限一月成工每三板擬左右列二尊可俯可仰可前可後如賊以小船環繞則此物擊之便放曾文正書札卷七與公書云閣下製劈山礮爲陸軍利器似不能不立劈山礮哨官而以小槍刀矛護之據此則劈山礮通八月己未曾公水陸軍克復武昌漢陽是月廣公所勅造也

東仁化寇犯桂陽知縣吳清鵬率團勇拒之乳源寇犯宜章

李輔朝會知縣王宏謨擊走之九月連州寇犯臨武南勇將

周金城拒戰參將趙永年誘寇近城破之同時廣西灌陽寇

圍道州知州馮崑拒守七月王公鑫自江華會周雲耀軍馳至大戰寇解圍襲江華王公先取閒道入城迎戰寇大敗走合恭城栗木屯灌陽餘寇復擾零陵游擊駱元泰破之水口山十月庚子王公鑫越境破栗木寇火其屯引兵徇龍虎關而江道逸寇糾連州寇攻甯遠眾至萬人王公鑫與周雲耀聞警星夜赴之寇驚距險縱擊至城下斃寇二千人生擒四百餘人甫定而廣東寇大入犯藍山敗寇走與合勢尤盛王公鑫與周軍復由甯遠馳剿會江忠濟自廬州歸檄募楚勇千五百人往合擊破走之江軍追餘寇嘉禾其竄聚甯遠者十一月王公鑫追擊連破之搜斬無遺南境略清

書牘卷二
是年與王

璞山書云道州江華永明甯遠藍山諸捷審事之精赴機之勇皆非近時所有屢勝之後氣必漸驕視事亦必漸易兵事屬陰當以收斂閉塞爲義戰陳尙更當以磅礴鬱積爲義知柔知剛知微知彰則皆乾之惕若之心爲之也願璞山幸念鄙言兩粵羣賊縱橫皆迫切楚疆永郴桂之防何時可已營中忠義之友能堪一面者何人暇乞縱筆及之知人不界畫出乎此者雖才不足倚也

大迺以廉恥信義剛明耐苦爲大迺檄江忠濟赴臨武會李輔朝防守郴桂王公鑫增募軍會周雲耀防守永州曾公大

軍自克武漢迭下黃州興國蘄州各城大破寇軍田家鎮檄

胡公林翼會師

按胡文忠公年譜時調任湖北按察使

水陸進薄九江公慮其

輕進數貽書戒之

書牘卷二乙卯與王璞山書云東征大局爲天下所仰望自克岳州以後直搗潯陽

節節得手軍威大振然將士之氣漸驕主帥之謀漸亂弟當貽書戒之而不我察也按書牘是年與夏憩亭書亦云潯公自田鎮以後弟數與書而不一答書稿均佚又按羅忠節羅山遺集卷六與公書云前此九江之書未及裁答知關下

必疑澤南忌其言之太直此身日在過中力求藥石而不得
敢已醫平敬讀覆書吾人刻刻以聖賢自勵卻不可以聖賢
自許驕之弊宜若易免然時時對敵亦正為難誠有道之言
得尊書曾占一律云事業極伊呂浮雲過大虛矧茲一戰機
已出二年餘按詞意公十二月水師攻湖口寇乘之師船陷
寄忠節書當亦在是時
入內湖其在外江者亦為寇所襲楊公載福時以病歸彭公
玉麟收餘船與陸師相保屯九江先時廣東寇擾連韶請援
湖南調辰沅兵千人赴援劾署提督多順庸劣罷之是年
第四女適湘潭周氏文集慈雲閣詩序云又六年余第四女
孝瑱殉夫翼標亡翼標外姑第二孫也
按又六年承上同治三年外姑王作鄒氏墓田記一首按文
云咸
豐三年新化鄒君漢勛從江忠烈公守廬州城圯遇害四年
憂君友曾國藩左宗棠相與飭其孤招魂葬之買田首望山
慈保永祀君自跋咸豐
四年八月初十日記

咸豐五年乙卯公四十四歲

正月總督楊需師潰黃州湖北告急

書牘卷二是年與夏憩亭書云曾塔不能回援

鄂城亦頗難怪湖口戰船既不得出口大軍回鄂則此軍必潰且大軍在九江若一逞勢則賊益無所忌將以全力注武漢矣制軍本宜駐重兵武漢而分遣水陸扼田鎮以潤之統之方為得算今空武漢之兵為之孤注正犯著俗語低基不顧家五字北省需協

令守備鮑超王明山募水勇千餘人運

資糧赴援

按駱文忠公奏稿覆陳武昌失守情形摺云前此接湖北撫臣函即籌撥餉項軍火并增募水勇千

餘名配以戰船礮械資以鹽糧飭赴鄂省未著明帶勇之人攷文忠自訂年譜云鄂撫函云武昌兵單餉竭當撥銀錢火藥解鄂又飭守備鮑超王明山募水勇配戰船

曾公亦遣李

公孟羣彭公玉麟同援已而總督軍退至漢口寇分道東陷

黃梅廣濟中自小池口掠黃蘄而上分黨渡江西陷興國通

山通城崇陽并犯江西義甯二月庚戌武昌復陷湖口寇亦

由都昌擾饒廣曾公收內湖水師入南昌羅公澤南從之陷

塔齊布公軍屯九江胡公林翼署湖北巡撫駱公疏劾楊霽

調南路江忠濟軍會候補臬司魁聯寶勇屯岳州

按書牘卷二是年與

夏憩亭書云吾省可用之勇俱往南路雖屢獲大捷而餘寇
尚未肅清本擬乘勢痛與芟夷或可保數年無事不料北路
警報杳至又須從新籌畫見於萬難敢請之中抽調二千餘來省

分所部 譚瓊林六百人益

胡公軍檄何忠駿率平江勇捍崇通寇而兩粵土寇乘釁復

熾是月趙啟玉敗仁化寇桂陽寇走廣西富川已入犯永明

王公韋馳擊破之三月趙啟玉攻寇廣東樂昌至平石戰殲

調周金城出桂陽會南楚各軍扼白石渡四月寇別黨由閩

道陷宜章王葆生等保郴州永明寇還竄灌陽王公彝約粵
西軍會剿寇棄城竄道州回師禦之文帑而寇大眾由徭山
越零陵直走東安陷之是月楊需免官文公爲總督胡公林
翼收水陸軍屯金口起楊公載福出領水師軍實壹由湖南
資之曾文正公年譜云楊公載福傷病在籍病稍痊湖南巡撫駱公委令招募水勇爲添造戰船赴鄂助剿李公孟
羣補臬司胡公令募陸勇五月宜章寇掠臨武嘉禾寇酋何
扼金口餉械均仰給湖南祿擁眾繼至遂陷郴州據之各軍退保永興先時檄趙煥聯
等募湘勇千五百人助王軍攻東安至是以郴寇盛檄迄屯
安仁遏寇衝而遣守備王佐清率水師扼衡州武岡衡陽土
匪并起六月通城寇入臨湘殺知縣姚榮卿進犯湘陰長樂

國軍擊退之增遣楊虎臣劉騰鴻率湘勇千人出岳州

書牘卷二

丙辰與王璞山書云羅公麾下如李迪菴蓋萬夫特新魁聯將如劉峙衡者樸勇善戰弟所推轂者亦湘鄉人也

離防効罷之以其軍隸江忠濟郴州寇分黨陷桂陽州遂擾

永興王公鑫圍東安未下檄劉公長佑募楚勇千人助攻七

月庚寅力戰克之寇分走新甯祁陽王公鑫追敗之四明山

擒寇酋胡有祿劉公軍亦破寇于新甯當是時東安圍四月

始克之郴州寇已掠安仁陷茶陵州其竄永興者亦進及耒

陽期合勢以窺長衡北境崇蒲寇時出入巴臨縣境東則江

西義甯寇眾逾萬地與平瀏接壤西則貴州苗起鎮遠寇氛

逼沅晃湖南一時四面皆急駭公前奏調羅公澤南軍回援

湖南

駱文忠公奏稿請調羅道一軍回湘防剿摺云湖南廣

義千餘里南防兩廣北防湖北東防江西西防貴州以

一省而兼支五省之寇卽盡調本省兵勇尙恐分佈難周況

本省兵勇精練者既赴調江南安徽大營復隨曾國藩塔齊

市東征如署湖北巡撫臣胡林翼一軍亦多從本省召募是

一省兵勇既供四省調發又須防剿五省之賊其不敷分佈

情形尤急

以方攻義甯寇未至會忠武公塔齊布薨于九江復還

視師湖口至是自請出崇通援武昌江忠濟自岳州督劉騰

鴻各軍會師於是檄王公鑫自祁陽援郴桂募五百人益其

軍先擊耒陽寇李輔朝軍自興甯會之王葆生軍攻茶陵蕭

啟江募湘勇自醴陵會之九月江忠濟會羅軍收還城王公

鑫連破耒陽寇丁丑合陳士杰團軍復桂陽同日王葆生各

軍復茶陵由是軍勢稍振十月王公鑫迨軍攻郴迭破寇堅

屯灌陽寇復犯永明周雲耀馳勦十一月癸亥城陷殉之桂陽餘寇竄江華趙永年要之甯遠亦同時戰歿檄王軍分兵赴援於時劉公長佑自鄱縣平茶陵逸寇還會師圍郴乙酉城寇食盡竄出復郴州城追及桂陽州境斃寇五千人寇分走宜章臨武官軍亦分道躡之斬寇酋何祿餘寇破散追至連州潭源洞莽山酋李輔朝軍還屯黃沙堡十二月貴州銅仁寇陷松桃再撲鎮筰城署辰沅道翟誥總兵文安擊退之已思州寇陷晃州旋犯沅州分黨陷麻陽調守備田宗蕃率鎮筰兵千五百人自省赴援戊戌迭復麻陽晃州其竄永綏者總兵榮山擊走之甲辰守備吳永清會黔兵克松桃廳遂

合田宗蕃各軍乘勝攻銅仁援黔軍自此起

書牘卷二 是年與王璞山書云

黔省民苗胥變吾省西北辰沅永順一帶俱震苗之從逆者
多大局頗危鎮草兩捷沅州兩捷而圍始解省防之鎮草三
應兵勇一千五百名均撤之歸伍以實邊昨數捷稍得其力
此路形勢甚棘尚須增勇乾嘉之際因此數百里地方用兵
數年費帑至三千餘萬今求以十萬了之已無可籌措吾省
受鄰省之累如衣敝衣而行荆棘之中里膺刺目世局日艱
一日未知先是茶陵寇旁竄江西永新分宜檄蕭啟江率湘
勇軍瀏陽已而寇酋石達開自湖北通城入江西與合迭陷
瑞州臨江袁州府城遂圍吉安時王公鑫劉公長佑方追郴
寇還合師剿江永寇於是公言於駱公曰賊不得志西北欲
且逞於東南江西一有蹉跎則江浙閩廣皆爲賊有而湖南
亦危東南大局不可問矣以時局論固無有急於援江西者

駱公大遼之會永明寇併走江華王軍趣師圍攻迺檄劉公

長佑還省城議援江西

書牘卷二是年與王璞山書云石達

由北界竄去之寇與之會合瑞州臨江先後失陷入撲吉安
而茶陵竄去之高新城之賊江西與吾鄉官章門西南路皆為賊有
萬載新昌上鄂城之賊江西與吾鄉官章門西南路皆為賊有
羅山見向攻鄂城之賊江西與吾鄉官章門西南路皆為賊有
鄉東路防不勝防公為今時辦賊之人豈可使有差失見
商之中丞擬以六千君子之師赴江援剿以全大局但非裏
三月之勤不能越境此時月餉且欠缺許久三月之餉何從
得來黔省民苗盡變銅仁思南石阡四州相繼失守鎮算雖
獲勝解鳳而苗震動叛亂相尋恐已難收拾矣通計湖南
所界六省均同時不靖左支右絀餉竭才乏如何堪之弟智
乏識闇愧憤無既同思平昔自命與所以責人之語尤不能
自釋也尊書所陳均已領悉近日人心只自私自利四字蝕
盡無他學術不明天理漸滅故也
是時湖南軍餉所出壹
恃各屬捐輸始部議鑄大錢旋以私鑄眾罷之已部發鈔票

亦罷不行

駱文忠公自訂年譜云戶部因餉項支絀議鑄當十當百大錢四年六月行司開鑄私鑄比官錢更

多價值減半錢店皆買私鑄錢以至商店大錢不能流通幾

至罷市卽由院出示停用并定以八成制錢收繳大錢一千

數日清查城廂內外大錢共十六萬貫而在局發出可稽者

止凡萬餘貫迺查訊鑪頭與管局長沙府家人舞弊絞決二

人未幾部又發鈔紙八萬兩搭放兵餉藩司問辦法余曰當

百大錢尚有銅一兩五錢且不能行以尺幅之紙當銀三兩

其能用耶後以湖南無官錢鋪不能用鈔陳明書牘卷二

丙辰與嚴仙舫書云大錢鈔票之不可行祇不誠無物四字

蔽之設法以必其行終歸無益而又大有害孟子曰無是年

政事則財用不足上下交征而國危此萬古不易之論

四月迺案揚州例榷商賈貨釐準貨值率百分取二黃公冕

試行之常德有效迺推行於各津市公皆矧爲布署

書牘卷二十六

癸未與郭筠仙侍郎書云弟居湘幕其時湖南釐局紛起弟

矧爲布署未敢引用一私人舊籍猶存可取視也後含沙之

射得免於戾蓋亦素節嚼然所致耳

駱文忠公奏稿 湖南籌餉情形摺云釐金之爲數至微百貨長落無一定之

真官取諸商商取諸貨貨價取諸時經理得宜何虞擾累所
難者水陸卡局之建設各有其地以水路論有水漲宜設此
處水落又宜設彼處者有水落暫宜裁撤水漲始復增添者
以陸路論有已設卡局之處并無總隘可提不能不分設于
卡者有未設于卡之處商販繞越爭趨不能不另議設者
兼之賊蹤忽忽道途通塞靡常或因客商繞避賊氛幽僻之
區反成達道或因鄰封道途偶梗通行之路反類遐荒苟非
各處市準情形彼此互異有旺在春夏而秋冬漸形衰減者
有旺在秋冬而春夏忽形冷寂者上月收數較之下月每有
參差此處暫行推之彼處又難一律分設師船練勇以衛護
苟非隨時以通變豈能斟酌而咸宜
商旅仿劉晏委用士流之意招致廉樸士紳佐官董理壹除
衙署閣務舊習昔讀卷二丙辰與嚴仙舫書云於今講生財
除弊練兵勇取釐金別無把握一則省虛糜
之節一則求錢於商賈非索其所本無也然非用人不能
人之才而其人心術不正利仍中飽於國無利駱文忠公
奏稿源陳籌餉情形摺云古云任法不如任人洵為破的之
論但使官紳實心任事上念國計之艱難下體商情之畏

累將平常衙署閱務習氣概與刪除事必躬親數歸核實庶
不以絲毫飽奸橐亦不以苛細失人心商情自然帖服所有
卡局需用之費及在事官紳薪水之需悉心斟酌稍令寬餘
俾得潔已奉公無虞拮据亦以養其廉恥仍不時訪察商旅
公託時申儆湯其客貨經由之地水次分泊師船陸路派設
練勇令其就近往來巡護俾知出釐金以少佐軍儲即可藉
釐金而保全資本而稅釐收支之數仍月榜示通衢設總局省城知

府裕麟總之以轉輸於軍需局

駱文忠公奏稿保舉兩局出力官紳摺云設局之初吏胥

市僧及未得入局之人未免造言詆譭近見各口岸卡局每月榜示各數與報省局之數略無參差省局隨撥藩庫軍需局支應軍餉略無停待羣疑盡釋
書讀卷二丙辰與李希菴書云人才極乏之時再不寬以錄之則凡需激勵而後成需磨練而後出者舉遭屈抑矣只要其人天良未盡汨沒便有可用吾察人頗嚴用人頗緩信人頗篤此中稍有分寸也
中丞任我最專故能驅使人使各盡所長卽如黃南坡王璞山裕時鄧藩啟江皆人所不滿者究之所誤何事人亦不得議之則丁作食穀果都是此種味之旨否分焉解此便可知用人之道凡用人用其朝氣用其所長常令其喜悅忠告善

道使知意向所在勿窮以所短始湖南漕糧浮折官私取給
迫以所不能則得才之用矣

石納銀至六兩時穀值賤至是年石錢四百錢二千四百迺
易銀一兩入穀百石之家折銀納糧歲去穀三之一致逋欠
日積迺通飭州縣裁汰漕規已而湘潭舉人周煥南呈請照
部章石納銀兩三錢加納一倍充軍需而石又增入銀四錢
爲縣用公白駱公準行之自監司以下皆爭之不聽數月輸
將足額已列縣爭請仿行迺各權其地之所入加輕重焉民
困蘇而軍餉亦裕

駱文忠公自訂年譜云楚南地丁向來每
兩加五錢糧米折色每石收銀六兩四五

兩年穀價賤民間每收租穀百石須賣穀三十餘石方能完
糧湘潭每年收錢糧四五萬兩咸豐四年祇收銀四千兩五
年已交七月未見徵納心甚憂之通飭有漕折州縣裁汰漕
規未幾湘潭舉人周煥南赴藩司呈求核定征收章程被押

發縣十月局煥南赴院遞呈自願地丁每兩加四錢漕米折
色照部章每石納銀一兩三錢加納銀一兩三錢助軍需又
加銀四錢幫縣費用卽獎其好義急公準照自定章程限年
內將四五年錢糧埽數全完後長沙善化皆欲請照湘潭章
程一日掌燈時忽善化紳民十餘人至大堂遞呈巡捕詢其
何不按卯則云知縣派差攔阻不准百姓赴院堂期糧道力
爭謂減少亦不能完納照湘潭章程卽是加收與部章不合
亦難出奏我云減少尙不能完納增多獨能完納乎不揣時
勢恐本年分釐不能上庫軍餉從何支發是時臬司是糧道
兼署遂札專署臬司另委徐道署糧道又撤善化縣任官場
爲之肅然嗣後長沙善化甯鄉益陽衡陽衡山等縣皆呈照
準行聞周煥南同縣足穿芒鞋手執雨傘歷各鄉語人曰此
次減錢糧費盡撫臺多少心我等亦當拈出良心不要令撫
臺作難至臘月該縣已報收十萬餘各縣亦紛紛報解足見
三代直道之民至今猶是後聞糧道衙門漕規實亦稍減方
知其力爭亦爲己之私也 駱文忠公奏稿源陳湖南籌餉
情形揭云湖南錢漕致弊之原不外官吏之浮收與銀價之
翔貴州縣廉俸無多辦公之需全賴錢漕陋規稍資津貼沿
習既久遂漸增 地丁正銀一兩民間有費至數兩者漕米
一石民 數石者款日繁多民間難以折算州縣亦

難清釐一聽書吏科算徵收包徵包解不廢不止從前銀價
每銀一兩易錢一千文漸次增長至二千三四百文農民以
錢易銀完納暗增一倍有餘之數五年收成稍稔穀一石僅
值錢四百文農民以穀易錢以錢易銀須羅穀五十石始得銀
一兩有田百畝可收租穀百石者非糶穀二十石不能完納
錢糧農人交田羣情洶洶臣與司道嚴飭州縣釐剔夙弊禁
吏胥矜棍擾索把持許地方公正紳士條陳積弊惟各州縣
缺分不同錢漕章程向來不一如必盡革州縣陋規絲毫不
準多取則辦公無資廉謹者無所措其手足不肖者反將以
此藉口別開巧取之端更爲國計民生之害如必明定章
程每銀一兩每漕一石收銀若干又恐官吏視爲定章久之
或於定章之外復有增加弊與今等且恐刁劣士民本挾持
官吏之心執釐弊之新章指爲滋弊之創舉告計日繁勢不
至胥吏以取償農民不止如不釐定徵收之額又恐鄉民
無所適從弱者必仍爲胥吏所欺強者或且藉此以遂刁抗
之計是欲除弊而反以滋弊也臣反覆圖維不難於立法以
救一時之弊實慮於救弊之法復增一作弊之端正躊躇間
適各縣士民紛紛赴省具呈自擬款目以爲徵收之準臣察
其官民相安者準之未協者駁之俟其適中而復準之數月
之閒大致略定

利民中丞減漕一事卽其明驗捐丁書之入以益國而於民
又甚便何不可爲推此則各省應辦之事尙多矣公子孝
同先考事略云府君佐駱文忠公其時腹地土寇四面蠢起
又須徵應調省援兵餉械湖南一貧弱之區支五省兵事羽
檄交馳兵調兩拙籌餉以抽釐減漕爲大端尤瘁盡心力減
漕事發端湘潭周君煥南其時排羣議以定章程府君實主
之焉按駱文忠公憑陳湖南籌餉情形摺上於咸豐八年
四月一釐剔錢糧宿弊以卹農一嚴防釐全擾累以通商而
皆未嘗開辦經始歲月詳八年保舉兩局出力官紳摺云咸
豐五年四月設立釐金局六年三月設立鹽茶局駱文忠自
訂年譜於五年詳載減漕一節據此則湖南抽釐減漕確爲
五年事而於八年憑陳籌餉情形一摺始併二事入告攷文
忠奏稿七年覆陳裕道被參摺云湖南辦理茶稅及百貨釐
金所以尙未出奏者實因規模甫定仍須隨時察看損益以
期周妥一經奏定則後此難於更改轉多窒礙據此則當日
於咸漕情形亦復相同後公在新奏稿覆陳杭嘉湖錢漕摺
云咸豐七年湖南核減漕糧臣在巡撫緊其後湖北江西皆
秉章幕中云云則亦舉咸定之年言之也

倣而行焉

按胡文忠公集湖北改漕經始于咸豐七年武昌
再克之後公書牘七年與文忠書云鄂省釐金之

旺本在意中此法本傳自湘中當有以津貼湘中迺是情理
漕政必不能精蓋師其法而不能師其意耳又攷曾文正公
書札十入與沈中丞書云試辦丁漕減征一案出之太驟條
理不密聲明今秋再定永遠章程左公謂宜參差定價因地
制宜按江西改漕已在同治是年十二月御史會稽宗公稷
元年公時入浙亦與其議也
辰薦舉人才以公居首按公家所藏王氏柏心丙辰與公書
云朱伯韓侍御去冬赴召入都途
過荆南在弟講舍信宿數日甚佩執事之才謂景略文饒復
見於今聞言者積毀深爲不平云至都必爲昌言以排諸訴
雖執事不因毀譽爲輕重然益見公道在人心據此可攷是
時不便於公者已有非議之詞宗疏之上朱君當亦與其議
也
稱公不求榮利迹甚微而功甚偉若使獨當一面必不下

於胡林翼諸人

命湖南巡撫出具切實攷語送部引見

按駱文忠公奏稿無此次
覆奏之摺謹據咸豐七年

五月上諭云經略秉章奏該員有志觀光俟湖南軍務告
竣遇會試之年再行給咨送部引見蓋卽此次覆奏之言也

自是入

見有知公者

文宗輒垂詢及之

家書壬戌與孝威書云吾以狷狹之性不合時

之聘出深山而入圍城初意亦祇保衛桑梓未敢侈談大局

也文宗顯皇帝以中外交章論薦始有意乎其為人凡

兩湖之人及官於兩湖者入見無不垂詢及之以未著朝

籍之人尋荷恩知如此亦希世之奇遇略會胡之保則

已在薦舉人才以我居首與吾無一面之緣六年給練宗君疏

所稱聞之嚴丈仙舫嚴丈則親得之長沙城中及武昌城中

者與吾共患難之日多故得知其詳會文正公集書札七

與公書云筠仙召對聖意殷勤垂詢閣下將來自不免

一出特世變相尋而日多人材分佈而日繼終恐趨於不支

胡文忠公集卷六十已未與公書云鄂之謀臣則曰丈之

聲名已第天心凡官紳之人入見者均蒙垂詢想

像之餘與商室傳嚴為肖等矣丈在小淹自嗟遲暮世無知

者則曰除非帝資良弼適可耳今已名在九重而轉有

夏邑能憂是吾丈見道處邪人言惟有劫丈來鄂位以養柏
異日不肖他徙郭尚可用意亦頗深遠特不肖亦湘人耳
疑不能決按郭公當養戊午與公書云初三日再召見
養心殿西煖閣溫諭遙時問曰汝可議左宗棠曰自小相
識上日自然有書信來往日有信來往日汝寄左宗棠書
可以吾意談知當出爲我辦事左宗棠所以不肯出係何原
故想係功名心淡曰左宗棠亦自度賦性剛直不肯與世合
在湖南辦事與撫臣略秉章性情契合彼此亦不肯相離
上日左宗棠才幹是怎樣曰左宗棠才極大料事明白無不
了之事人尤極端正曰左宗棠多少歲曰四十七歲上
日再過兩年五十歲精力衰矣起此年力尙強可以一出任
事也莫自己遭踏須得一勸勸他曰臣也會勸過他祇因性
剛不能隨同故不敢出數年來卻日日在省辦事見在湖南
四路征剿貴州廣西籌兵籌餉多係左宗棠之力上日聞
渠意思會試曰有此語曰左宗棠何必以進士爲榮文章報
國與建勛立業所得孰多他育如許才也須一出辦事方好
日左宗棠爲人是豪傑每言及天下事感激奮發皇上天
恩如能用他亦萬無不出之理上迺及他事右謹鈔錄
傳諭聖言尙多略記大概如此字句之閒未必能十分臆
合然非聖人所語及者未敢稍附會一語按戊午爲咸豐

八年在駱文忠兩次覆奏之後故聖言如此
曾文正與公書所言卽指此大謹恭錄於此

咸豐六年丙辰公四十五歲

正月王軍攻江華戊子寇潰圍出收江華追敗寇甯遠嘉禾
縣境寇率殘眾由臨武走廣東連州其竄富川者還據江華
白芒營遣守備黃輔鼎破平之南境遂清王公鑫迺簡精卒
越境入連州捕餘寇王壯武公年譜云連韶久爲寇藪連歲
合廣西寇擾郴桂永寶掠地及於茶陵
未陽官軍往來游擊乍逐乍至而兩省方日用兵腹地寇暫
得出境卽不暇復問所往故日盤結不可爬梳公旣平嶺北
遂決計越境窮搜之是月援黔軍攻克銅仁畱軍助守二月大舉援江
西增募劉公長佑楚軍隸以蕭啟江瀏陽一軍爲五千人是
時吉安復陷江西西境悉淪寇曾公國藩軍屯南康文報阻

絕寇分掠旁郡置僞官迫士民從逆又湖北武昌未復寇由
崇通灌輸其間勢益盛迺議袁州地介臨吉援江西先規袁
州則東北可以援瑞臨東南可以援吉安而進師當從瀏醴
分兩道以取萍鄉萬載甲午劉軍自省起行略文忠公奏稿
援江官軍兩路
獲勝摺云候選道劉長佑正月抵省臣面與商酌楚軍越境
須由瀏醴分攻萍鄉萬載兩縣克復始可規復袁州蓋以江
西西路諸郡縣悉淪於賊賊已徧設僞官迫脅士民蓄髮立
團爲抗拒援軍之計千餘里間頓成異域湖北之賊又隨時
添入援軍若止一路前進賊必悉力抗拒攻克爲難且進剿
一處則附近邊界股匪均須乘勢掃除否則懸軍深入餉道
堪虞前既無會剿之兵後且虞鈔襲庚子復萍鄉其日蕭啟
之爲所當預爲籌慮以策萬全也
江自瀏陽攻萬載時曾公調周鳳山九江軍援吉安軍敗樟
樹鎮撫州建昌繼陷曾公至南昌調湖口軍入援寇復陷南

康三月王公彝自連州追寇至陽山英德會廣東防軍至迺
留黃輔鼎蕭榮芳以六百人屯江華防廣西寇還師衡州是
月羅忠節公澤南薨于武昌增遣田興恕一軍助蕭舉四月
乙卯克萬載劉軍進攻袁州湖南東境千餘里與江西接寇
以官軍圍袁州急益分黨入犯迺募勇益劉軍至八千人而
分飭沿邊州縣嚴邊備防寇輒入已而上高寇犯瀏陽蓮花
廳寇犯攸縣犯茶陵永甯寇犯邵縣龍泉上猶寇犯桂東防
軍皆先後擊卻之是月義甯寇襲通城屯江忠濟戰歿會湖
北資劉騰鴻軍援瑞州迺檄由咸甯出崇通而遣柰星元洪
定陲率二千人出岳州五月劉騰鴻軍進崇通寇遂由平巴

上掠湘陰犯瀏醴圖絕援軍餉道以應袁州城寇城寇乘隙
猛撲劉軍屯而金陵寇亦遣萬人援萬載迺調余星元一軍
回剿瀏醴寇彭定太各軍自省會之而戒袁萬軍堅壁防衝
突劉騰鴻追寇至長沙仍飭出瀏陽疾攻新昌上高趨瑞州
已而余星元等軍蹙寇攸縣寇敗走江西蕭啟江亦敗萬載
援寇會師袁州劉騰鴻遂連克新昌上高乘勝進師瑞州六
月澧州奸民倡亂檄千總熊興柏會知州鄒堃平之土寇起
甯鄉王公彝留衡州軍往討寇解散廣東連州潭源洞寇復
起檄千總齊福珍張聲訓募千人分赴宜章臨武會李輔朝
軍進剿破其屯是月石達開自江西還陷江南大營擁眾上

援武昌自武昌久攻未下湖南轉輪船礮相望於道至是以

援寇眾復請師檄王公鑫至省增募初公議湖南援江西當

三路出師一由鄱茶攻吉安一由瀏醴攻袁州一由平江攻

義甯擣瑞州書牘卷二是年與王瑛山書云以吾鄉援江西而論須是三路出師一由鄱茶攻吉安一由瀏醴

攻袁州一由平江攻義甯擣瑞州則吾東界之防可撤而併力以援江否則節節接軋步步顧後曠日持久賊得益爲之

備也湘軍旣進袁瑞獨吉安一路以餉絀未成軍曾公國荃自

請募二千人往迺益以周鳳山新募道勇二千自萍鄉取安

福以趨吉安夏公廷樾黃公冕募捐資其行九月王公鑫軍

北援至岳州湖北援寇已敗走遂進規崇通貴州銅仁寇復

叛遂駐岳軍侯光裕千餘人防沅晃寇遂攻銅仁府城爲戍

軍所卻轉趨鎮筵以嚴備不得入還走銅仁縣境是月松桃石峴苗竊永綏而永從苗先犯通道黎平六洞苗合土寇陷古州獲廳城軍火益擾靖州邊西防南北戒嚴以銅仁寇煽變久與苗異又乘沅水數日可越辰州其勢尤急益增屯防軍先後至九千五百人十月王公鑫克通城斬寇酋張庸忠劉軍攻袁州己五月瑞臨吉援寇迭至皆力戰卻之乙亥復分宜寇援始絕十一月壬午朔克袁州王公鑫治巴臨團練以兵復崇陽蒲圻寇糾通國寇來攻崇陽大破之遂進通山復其城癸卯胡公林翼克武昌漢陽援軍自通山還岳州粵西寇窺邊黃輔鼎蕭榮芳敗之雷口關援黔軍破三角莊寇

屯悉擒首逆陳福林等數十人銅仁復定調各軍赴靖州防
黎平寇十二月援吉安軍克安福調蕭啟江部將劉培元益
其軍而檄趙煥聯自茶陵收永甯余星元等自鄱縣收永新
劉拔元胡兼善收崇義上猶是時寇尤聚臨江東引撫建寇
與瑞吉城寇相應以撓官軍袁州既復迺令分道取臨江書
卷三丁巳與夏憩亭書云臨瑞乃願江西大局若論湖南
大局則吉安亦不可緩弟與聞惟幄之議所圖者國家大計
爲江西起見原爲天下大局爲天下大局起見則江西不可
不援爲江西大局起見則臨江不可不復尊論所云成心私
心則早劉軍出新喻攻其西南蕭軍出上高攻其西北壬辰
忘之矣劉軍復新喻留黃三清一軍戍之增遣楊虎臣軍屯萬載書
卷三是年與夏憩亭書云楊寶峰一軍應穩駐萬載爲是蓋
萬載毗連上高爲兩省衝途蕭軍思思一過斷不能淨其根

株瑞州未復萬載
豈可無兵駐守

時湖南吏治益飭知府如寶慶朱孫詒

衡州陸傳應常德葆亨州縣如道州馮崑邵陽邵綬名湘鄉

唐逢辰東安賴史直皆最有聲會

詔舉勝道府之員駱公疏朱孫詒七人治績以

聞設鹽茶局于省城

駱文忠公奏稿保舉兩局出力官先是議采

買淮鹽由浙河轉運湖南淮楚分岸納課濟軍餉以道梗未

果行

續卷二乙州與附縣生書云吾省兼支五省之寇籌

兵變之後穀賤如泥商賈不通農民重困竟未知天欲何為

其意亦有益焉不特罷論也至是借行粵鹽權稅郴桂並茶稅

設局總其成

駱文忠公奏稿保舉兩局出力官紳摺云其郴

四錢五分因茶商在各口岸裝箱曾抽釐金銀一錢五分爲數較各貨爲多準每字號繳稅之後酌給從九職銜議敘以昭平

是年正月曾公國藩奏公接濟軍餉功

命以兵部郎中用并

賞戴花翎七月胡公林翼復薦公將材

按胡文忠公原奏云臣與左宗棠同受業於前御史

賀熙齡之門深知其才學過人於兵政機宜山川險要尤所究心臣曾薦於前兩江總督臣陶澍雲貴總督臣林則徐均稱爲奇才湖南撫臣張亮基駱秉章先後招入幕府專襄兵事其力能兼江西湖北之軍而代臣等爲謀業經御史宗稷辰奏明在案該員秉性忠良才堪濟變敦尚氣節而近於矯激面折人過不少寬假人多以此尤之故亦不願居官任職伏思聖明之世正氣常伸該員畏罹世網殊爲過慮但久在兩湖辦事所用多係楚人自是廉頗思用趙人之意不樂吏職可從其志義在討賊諒無可辭臣既確知其本謹據實臚陳聖聽以儲荆鄂將材之選

咸豐七年丁巳公四十六歲

正月劉軍自新喻進臨江泰平墟蕭軍收上高屯鶯哥嶺與
瑞州軍相援應二月寇鈔泰平墟已亥軍屯前後被攻兵潰
不可止劉公收眾保新喻是時李元度軍退貴溪寇軼出犯
福建邊畢金科戰歿景鎮饒信之間復亂曾公國藩自南昌
會師瑞州以父憂歸吉安未合圍撫建寇方日出援應劉軍
挫退全局復大震先是公數以頓兵堅城爲非計以爲當擇
要地堅築老營分兵四出肅清旁縣則我常有爭鋒逐利之
事得反客爲主之勢而不爲賊所困書牘卷四是年與王瑛
山書云諸軍頓堅城之下賊以數千之眾縱吾數路之師我兵少不能合圍我兵合
則不敵分布賊轉以餘力肆毒他方迫吾力竭仍以大股
乘我每爲所敗惟築老營如城然取其小而固多開槍礮眼
專主守然後分兵四出務乘虛蹈瑕相機策應專主戰城賊

如撲營則槍礮轟之亦如我之攻城必傷精銳也如圍營則
游兵回援可以夾擊賊如分兵游掠吾亦分兵應之不殲於
老對堅城求得劉軍敗耗迺遣江忠義新練勇千人益劉軍
戰不得哉

而調王公鑫岳州軍三千人星夜赴江西爲游擊之師三月
王軍至新喻劉公已敗寇羅坊軍復振其撲蕭軍屯耆瑞州
軍助擊亦敗退遂合軍進臨江江西亦遣劉于潯水師會湘
軍湘軍援江西由湖南饋餉者合萬六千餘人書讀是年答
夏憩亭書云
調璞山全軍三千及江味根忠義軍一千赴新喻助剿此真
吾楚勤旅賊不能當璞軍主雖艱而不主攻城庶足爲臨瑞
吉三郡之助南省所派援江之舉已一萬
六千餘每月需餉九萬餘兩勢殊不支
黎平苗窺靖州屯
軍迭敗之寇聚錦屏金山寨檄吳自烈兆琛會剿四月克全
山寨遂趨黎平同時廣西寇陷柳州段瑩器率祁勇會黃輔

鼎軍防永州已寇撲桂林檄蔣益澧練湘勇千五百人於是
始議撥粵調段瑩器千人永勇八百人隸蔣軍自全州進師
書牘是年與王璞山書云粵西柳州已陷賊相約攻圍桂林
人數甚眾無論粵不能支即能稍延歲月其勢亦將及我見
調蔣益澧泉在此募練一千預擬南路之用然永州實處沿邊
數百里賊可四路俱犯將何以待之又入是年與胡潤之書
云湖北麥收甚盛此亦憂勤之意所致天道與人心無一息
之隔能憂勤則人心轉而天即隨之此不易之理也粵西糜
漑之憂以打此股賊或可有濟當更以段瑩器一軍隸之
也五月王公鑫自泰平墟會師攻臨江書牘是年與王璞山
平墟矣惟望賊來撲替得數大捷庶此局易了江西有皖鄂
粵三省之賊而無閩浙廣之援所盼者吾鄉與之撐持耳上
游無一知兵之人而士民中亦勉忠智之吉安告援寇大至
士所謂上不能謀下不能死也其危可想吉安告援寇大至
迺引師東渡礮大敗寇水東燒其五屯遂剿萬安援寇而別

寇數萬自甯都入永豐境回師戰于沙溪大破之斬寇酋胡壽階越日復敗萬安寇已甯都寇續援吉安者眾復數萬迎擊破之于韶源追逐四十里而寇屯甯都猶盛遂進攻釣峯屯驅其半渡擊之寇大破散援寇既屢敗瑞臨吉圍城軍形勢自倍六月王軍徇廣昌寇自福建回竄者迭敗之而廣昌寇屯頭陂號十二萬整軍進寇遽引還追擊大破之餘寇走建昌甲寅分軍收樂安劉拔元胡兼善軍同時收龍泉已而援吉安將周鳳山爲城寇所乘全軍退安福王公鑫回師永豐援黔軍攻克錦屏遂兩路趨黎平迭破其寨是月戊午復永從援粵西軍進全州寇併踞靈川興安相拒增遣江忠清

楚勇千人助剿七月丙申復興安寇南走平樂飭蔣益澧自
恭城會黃輔鼎蕭榮芳規平樂撫建寇大舉寇樂安王軍馳
援敗之龔陂甲午又敗之崇仁鳳岡墟斬寇萬人其日劉騰
鴻復瑞州中微殞于陳調胡兼善一軍隸王軍復遣王開信
募湘勇千人赴之迭敗寇永豐羅湖寇乘王軍進崇仁復撲
樂安迺救寇遁去八月壬子王公薨于樂安檄部將張運蘭
王開化領其軍吉水寇遂北掠峽江謀繞臨江分犯袁瑞兩
郡夾攻臨江軍是時湘軍逸失大將撫建吉寇勢復張瑞州
軍將普承堯奉檄峽江劉公長佑自臨江遣三營助之普
軍至遽敗退羅坊劉軍三營亦隨之退張運蘭王開化軍出

分宜會防軍楊虎臣屯新喻以保袁州臨江城寇聞官軍敗則日夜填壕應援寇已寇眾數萬逼泰平墟刻期撲圍城軍劉公長佑密約蕭啟江屯秧田軍會戰破其屯四十七越日張運蘭王開化軍復擊羅坊寇寇敗走阜田以軍扼之峽江西援吉軍時亦收吉水城水陞相保已而將軍福興及李定太軍敗于樂平東鄉寇酋石達開自景德鎮趨撫州樂安各城復失十月擁眾至吉水吉臨大震張運蘭一軍扼三曲灘力戰卻之寇退屯撫州書廣是年與趙玉班書云石逆自安竄撫州援臨吉也前此中丞札飭力扼三曲灘卽防此著賊勢雖張然果能力扼贛河亦豈能飛渡哉又與胡潤之書云吉水十五日又獲大捷張凱章知以守爲戰得力全在畫贛而守又在一軍渡贛而守吉水以水師護之故能顧臨端吉

大局搜賊中密帖未嘗忘瑞州其意仍在與潯賊通氣耳是月援粵西軍規平樂迭奪其

關隘斃寇凡萬人遂圍攻府城十一月乙酉克之黃輔鼎彭
玉山先登中礮歿臨江寇以援寇屢挫謀歸誠已而中變官
軍愈益急攻十二月乙卯寇食盡突圍出官軍合勢蹙追捕
戮甚眾復臨江府城餘寇走瑞州於道破散是年五月

上諭曰湖南舉人左宗棠前經曾國藩奏保以郎中分發兵部行
走復經駱秉章奏該員有志觀光俟湖南軍務告竣遇會試之年
再行給咨送部引見見當軍務需才該員素有謀略能否幫同曾
國藩辦理軍務抑或無意仕進與人寡合難以位置著駱秉章據
實陳奏欽此駱公秉章以湖南軍事方急奏留公

按書牘卷四
是年與王璞山書

云此間曾奉寄諭垂詢左某可否幫同曾某辦理軍務抑或無意仕進與人寡合難以位置云云聖意委曲體念如此亦曠世難逢之奇遇不知虛聲處士故無所取也中丞已復陳湖南軍務未了暫不能離矣又按是年監利王氏柏心致公書云執事綜籌全勢謀無不當才略流聞重為之側席以待想見異人而執事超然不自有其功岸轉軍府以賓佐自居此其識是年自柳莊遯家省城文集亡度豈出少伯子房下哉人墓志銘云湖南撫部駱文忠公湖北撫部胡文忠公勸余遷居長沙為醴金貢屋乃得司馬櫺今宅居焉書牘卷十二已卯與譚文卿書云敝居舊為辛稼軒帥潭時練兵故地寨日飛虎橋日司馬因其遺蹟名之咸豐七八年弟由柳莊遯家長沙賃屋而居駱胡兩文忠藏金五百購得之雖九近城市卻似山邨種蔬數十畦養魚數百尾差足自給

月四子孝同生

咸豐八年戊午公四十七歲

正月劉公長佑以疾歸檄劉坤一代領其軍與蕭軍由新淦

取崇仁以圖撫州

書牘卷四是年與趙王班書云新淦既棄

岸已可屯軍想洛川必與蔭渠所都分路渡江矣賊勢猶未

走張遵蘭王開化湘軍由永豐取樂安以圖建昌是時寇酋

石達開已竄浙江

書牘卷四是年與胡潤之書云前書屬為

陳之石圖衛志不在衛得杭與湖衛將焉往取道富春樹

厚能派營官兩三人率所部攜數月糧徑赴鎮江入常州

大浙直抵杭州過賊入蘇之路禍可少紓並否和帥派勁勇

數營赴之庶吳越之交有此一枝得九水軍向可有待焉城

若復迫菴自賊後躡之如撫建速復湘軍亦當簡派數營與

之周旋或者平吳之舉亦即在此按胡文忠公集是年二

月有密陳浙江軍情疏云據江西布政司龍啟瑞函稱粵賊

石達開竄江西之鉛山河口地方賊數二萬以外聲稱欲直

浙江又據函稱於二月初一二日盡數東竄云云故與公預

商保浙之計而異日設太其黨守撫州聞大軍渡贛乘虛自

潮水師亦發議於此也

樟樹鎮窺臨江田興恕馳輕騎破走之大軍遂進崇仁張運
蘭王開化進樂安寇收眾入城逼攻之辛酉復樂安三月庚
辰復宜黃壬午劉蕭軍收崇仁進規撫州寇三路拒戰劉坤
一敗之軍進上頓渡建昌寇見官軍逼撫州潛遣其黨一出
龍骨渡襲崇仁一出資圭墟襲宜黃約期併舉以撓援師劉
坤一偵知之遽掩出龍骨渡寇敗走王開化同時亦破寇資
圭撫州團長汪波率勇助接近城寇寇勢日蹙迺謀棄城從
石逆入浙而新埭寇貪守城相疑貳蕭啟江益引軍攻之四
月丁卯王開化南攻南豐遂進攻建昌癸卯蕭劉軍克撫州
建昌寇迭爲官軍所敗亦棄城遁己巳復建昌是時湖南援

江軍深入克四名城。贛江東西境獨吉安未下。是月李公續
賓軍攻克九江。乘勝進兵江北。先是公與胡公林翼爲保浙
之謀。引見胡公議調湖南援江各軍往援。至是公白駱公奏

起曾公國藩統之議。湖南北月餉其軍四萬。

駱文忠公奏稿

摺云見在吉安一克則江西全境肅清。援江各軍自應撤回。以節糜費。臣維金陵賊勢已孤。惟安徽殘氛未殄。浙江兇餒倏張。不及早圖。維不獨江左克復需時。更恐殘孽鴟張。或釀別患。皖豫地屬中原。四通八達。一方有驚。數省震搖。兼江淮之聞。古爲盜賊淵藪。使匪不速。爲害滋深。浙江爲東南財賦之區。海運所自出。地與金陵相爲表裏。於見在局勢尤爲緊要。自石逆東竄。南省援軍相去更遠。防剿情形無由深悉。然竊慮以聲明文物之邦。當此蠻悍百戰之寇。勢將不支也。浙江布政使李續賓忠勇善戰。責其勦辦鄂皖之賊。必能以次殲除。是逆賊陳玉成一股。尙可無虞。惟石達開大股竄浙。見在援浙諸軍零星雜湊。氣勢未完。此時江南大軍合圍金陵。勢難兼謀。固所欲爲援浙之計。似非於援江楚軍挑選精

銳不可顧援江各軍見距本省一千餘里今調赴浙則日去
日遠轉餉維難且將領勢本等夷既難自爲調遣入浙以後
或浙省隨宜調遣更多牽制之虞臣反覆思惟援江各將領
於前兵部侍郎臣曾國藩非其同鄉卽其舊部若令其統帶
楚軍赴援浙江則將士一心於大局必有所濟且江浙本屬
澤國利用舟師如曾國藩統陸軍赴浙或從常山更造戰船
順流而下或面商楊勳福分派師船由長江入常州泛太湖
抵湖杭溯流而上彼此聲息易通江南大軍旣免後顧之虞
援浙陸軍亦得戈船之助似尤操勝算其軍餉江西旣暫不
能籌浙江是否能供應亦難預揣當此事機喫緊之時自應
預爲籌畫謹擬由湖南每月籌解餉銀二萬兩再請旨敕
下湖北撫臣胡林翼每月籌解餉銀二萬兩專供曾國藩一
軍之用
增遣余星元陶藻千七百人圍攻吉安
書牘是年與趙
之中須稍節勞免賊亟肆疲我若於無事時由壕邊橫開地
道向賊來路安放地雷遇賊撲壕急發地雷轟之乘其後隊
慌亂越壕縱擊必可多殺益與沅浦商之尋常越壕打仗難
得便宜且歸路狹仄收隊亦頗不易臨城瀕克先數日官軍
攻城尙損精銳多人此可爲鑒尋城之賊日發米二兩迪菴
猶不急攻可見仰攻之無是處見外援旣絕其必伺隙猛撲

自在意中余向專主裁剿而調田興恕軍助兆琛援黎平援亦恐永新勇不足恃耳

粵西軍既克平樂廣西巡撫勞公崇光奏留平潯梧慶遠寇蔣益澧回湘增募水軍湖南議月助其軍餉二萬迺自長沙造船六十艘以行是月克柳州寇走竄古州六月曾公國藩自長沙啟行由九江入江西調張運蘭蕭啟江兩軍及新練吳國佐一營隸之期至鉛山河口鎮會軍

書牋是年與胡澗之書云滌帥十九

戰節前進次青實幕府長才若引之入幕而遣其勇兩益之道也且大軍從河口赴浙廣信後路亦宜準備前與議公商即暫留坐鎮保護轉運局亦可有益但恐其見節帥東行必欲索敵賦以從則固無如之何耳翼長未派大約以蕭張爲妥蕭老於戎事能持重張沈已石達開自浙江竄福建議改靜整暇可共患難皆其選矣

援福建八月曾公國藩克吉安劉公長佑至撫州軍福建寇

同亂迭陷瀘溪安仁崇仁宜黃曾公入建昌迎勦遣張運蘭
擊安仁寇復其城劉公長佑大破寇于新城斬馘萬人寇走
還福建江西悉定劉軍旋以疾疫還湖南十月援黔軍解黎
平圍進攻古州時鎮遠復陷而思州思南苗教繼起分犯銅
仁晃州增遣張由庚田宗蕃分赴思州玉屏清溪邛水助勦
是月李公續賓援廬戰沒三河鎮皖鄂震動胡公林翼時以
母憂歸起視師黃州駱公以福建寇遠竄迺留蕭啟江一軍
江西復奏請曾軍援安徽益以曾公國荃所部增餉其軍月
三萬曾公迺檄張運蘭軍進景德鎮規皖南十一月石寇復
出犯江西南安崇義土寇應之遣劉培元彭定太崔大光率

千五百人守桂陽而飭劉公長佑自新甯集舊部備寇是

年九月駱公疏公運籌功入告

按駱文忠公國史本傳云入年九月奏保兵部郎中左

宗棠連年籌辦磯船選將練勇均能悉心謀畫

詔賞加四品卿銜作廣東潮陽縣知縣賀君墓志銘

咸豐九年己未公四十八歲

正月南安寇自崇義陷桂陽防兵潰散二月蕭軍收南安石達開大眾悉數竄入人馬行六日夜不絕期取道湖南以趨鄂蜀沿邊大震於時連歲用兵他省軍將戰其地率畱助守聞警倉卒徵集寇已連陷宜章興甯郴州桂陽州而茶陵安仁爲長衝要衝所集各軍獨劉坤一軍先至遁檄督所部會

王勛湘勇先赴屯安仁龍海塘趙煥聯軍屯茶陵江口洲而

檄謝泰平水師扼衡州

書牘卷五是年與趙玉班書云與甯宜章郴州兩州均陷賊蹤飄忽而各

屬無官軍阻遏遂以此辰下衡郡緊急此間已發岳防師船前往分泊以扼湘江之險彼中道府殊難放心劉峴莊帶所部一千五百餘於十五六兩日總發各營暫歸統領俟蔭渠到再說安仁茶陵均催大兵甚急賊知有備或暫不來然南路已糜爛不可言矣和營本老兄舊部益以新募數百略足指揮龍海塘一軍屬之蔭渠江口洲一帶則專屬之老兄寇既陷桂陽遂自常甯窺衡州陳士杰與州人魏喻義率團兵掘九孔橋寇驚爲大軍遽引退迂道陷嘉禾分犯新田臨武甯遠皆城守遂掠祁陽圍永州公策寇必圖寶慶調田興恕援黔軍還守寶慶蕭啟江援江軍還守茶攸悉徵防邊將余星元楊恒升李金陽各軍赴永州統於劉公長佑王明山

蕭翰慶鄒漢章等亦自湖北歸領水師三月劉公長佑至永
州督戰寇解圍走祁陽分掠甯遠道州揚言回廣西而潛以
大眾繞陷東安知縣李右文歿之劉公遣余星元等會何紹
彩段瑩器各軍援祁陽而自督楚軍勦東安寇石達開益增
黨趨祁陽圍出邵陽竄寶慶增遣周寬世陳湜周達武等援
祁陽而調劉坤一軍赴東安分防新武書牘是年與劉蔭渠
書云賊之注意祁陽
意在出邵境與東安賊合勢耳尊軍紮白牙市兩面受敵兵
力又單亟應退洞田鋪花橋一帶已固寶郡且田周均可就
近會剿已飛書趙玉班由衡州長樂鄉擱頭截剿寶郡或尙
無慮尊軍卽宜擱武岡之頭也賊陷東安極堪切齒其先揚
言回粵者乃解我之防也新甯亟須嚴防已寇分竄新甯江
一定之局聞江味根與達川已回顧矣

忠義馳援寇解去四月乙巳寇忽棄東安北竄劉公要之木

山軍潰收眾保新甯寇遂趨寶慶適田興恕軍先至率所部

掘九鞏橋拒戰寇退止黃塘下已寇別黨自崑山突圍武岡

江忠義先寇馳入城書牘是年與劉蔭渠書云賊由崑山竄武岡味報十九書來言城外南門對河

房屋未損致被賊踞城中米糧子藥均乏味報已入城固守令人焦急之至此地爲寶都門戶且毗連辰沅靖各郡賊之

圖此蓋欲爲竄竄而取後隨方抗禦寇攻七日遁合寶慶寇

將由此竄走入川也而道州官道寇南繞全州乘虛復犯新甯劉公長佑與劉坤

一五戰卻之是時邵陽水陸軍且萬三千人而寇勢日盛迺

檄陳士杰與魏陰義自衡州驛道攻其南趙煥聯自衡州取

閒道攻其北而飛書督諸軍分掘沙灘熊鰲嶺杜寇竄衡寶

之路書牘是年與劉蔭渠書云祁陽諸軍不知漸集漸進偏賊一隅甚爲失算改調玉班赴衡昨夜已飛函前去請

其與諸君商由祁陽直紮熊羆嶺而以水師斷其西庶可斷其蔓延之路此枝已一萬三千人兵力亦敷矣但顧其迅速偏執無落賊已陳魏各軍前據嶺寇來爭皆擊卻之趙軍自後則幸甚耳

白地繞屯沙灘庠戌寇攻熊羆嶺各軍空壁逐之寇忽繞後

襲嶺上屯趙煥聯聞警自沙灘還救書牋是年與劉蔭渠書云祁陽賊勢屢挫仍張

諸軍以無統領之故心志不齊頗爲可慮王班由祁陽赴寶之抵衡州擬取道熊羆嶺以西抵沙灘沙灘本由祁陽赴寶之路亦可顧由邵赴湘之路乃因初十日熊羆得而復失不得旋師大營寺以挖竄衡之衝而沙灘竄文明鋪一路遂無人堵禦將來祁賊必由此竄寶趙軍當開道攔頭祁軍當以數枝尾而追之耳石逆在楓林橋下蔣宅無傑出之將得以擒之轉令賊勢仍張殊可惜耳戊午寇遂由沙灘西竄寶慶各軍分道追之

公以諸將進止不一白駱公請身赴軍籌度駱公不許書牋卷五

庚申與胡潤之書云數年裏畫軍事卒未一履行聞上年寶慶之役以將領進止未能畫一亟請於駱公願疾馳軍前

一爲籌度希菴同湘視師亦力勸其行中丞以增遣劉嶽昭左右無人不能遠去致使微願不遂每以爲歎增遣劉嶽昭率楊安臣朱品文軍赴援其時廣東英德寇窺郴桂邊蕭啟江至迺檄守臨宜而調陳士杰魏喻義軍還郴州五月連山寇入臨武藍山甯遠掠道州陷永明同時廣西賀縣寇亦竄擾嶺東攻陷江華旋復棄城掠江藍廳而去寶慶寇大合圍連營互百餘里官軍自祁陽追寇悉屯聚東路未進於是檄劉公長佑自武岡新甯出寇西會李公績宜自湖北還議以督寶東各軍已而胡公林翼遣李公所部五千人渡湖來援李公迺由益陽取道安化藍田入寶慶於時田興恕軍屯倚東南水師西扼資江壬申寇大眾撲趙軍屯守備洪定陞力

戰歿丙戌寇自西南分撲城壘田趙軍分出禦之會大雨寇
迺并鈔田趙軍而築壘互其東北遂合長圍劉公長佑督楚
軍自武岡西南來更繞道北出新化甲午劉嶽昭會佘星元
各軍屯洪橋六月庚子留二千人屯洪橋以五千人進城東
北柳家橋寇遽攻洪橋屯陷之劉公長佑方自麻溪渡聞警
兼程進屯軍高衝而飭各軍進師半邊街癸亥李公績宜軍
至自藍田單騎赴劉公屯議所向趙煥聯自圍中迄書言進
兵宜從北路寇見官軍日逼迺自藍江鋪急攻高衝半邊街
屯李公以軍助戰寇敗退李公審寇勢厚集東路決計渡資
攻西北以蹈其瑕迺飭半邊街各軍嚴陳以牽寇師丙寅寇

數萬逼攻半邊街屯劉嶽昭與各軍竟日鏖戰而李公軍於
平明渡釀溪直攻田家渡寇連破其七屯遂通圍軍城中外
大譙其夕東路寇大集眾西渡吹角終夜有聲明日寇壓李
軍而陳李公分軍繞寇後俟寇逼近迺奮擊復大破之斃寇
凡八千餘人迺引軍渡資而東七月壬午合諸軍分三路進
戰寇大奔潰越日寇分道遁李公督軍追至水田鋪石寇率
眾回鬪復敗之寇悉走東安劉公長佑要擊之蘆洪司寇率
竄走廣西興安劉公長佑以軍疲止東安李公續宜還師湖
北迺調蕭啟江軍越境追寇廣西田興恕軍趨靖州防黔邊
先時賀縣寇復自灌陽竄入魏喻義扼之道州寇走永明入

月復竄擾江華黃滔熙陳品南軍馳勦破之歲東乳源寇同
時犯宜章胡國安拒戰寇還走連州星子司屯聚尤盛調張
運蘭回湖南助勦石達開據興安別黨糾恭灌寇犯桂林蕭
軍自全州入援敗寇大溶江石達開走義甯蕭軍遂趨桂林
劉公長佑募新軍繼進九月丙子解桂林圍石寇復走柳州
柳州土寇拒不納遂趨慶遠蕭軍還湖南劉公長佑畱廣西
授按察使是月陳士杰與黃滔熙分由江華藍山勦賀灌寇
張運蘭自宜章出境勦連州連山寇皆平之十月援黔軍兆
琛周洪印平六洞苗遂復鎮遠府衛城十二月石達開復分
黨四出檄各軍分防郴永邊境於時湖南軍事略定駱公於

省城奏建表忠祠祀湖南先後死事將吏復於祠旁建求忠書院以教課其子弟公既久專軍事忌者尤眾永州鎮總兵樊燮以貪縱爲駱公所劾罷因構于總督首指目公總督疏聞

命考官錢寶青卽訊召公對簿武昌胡公林翼力解之得不逮公

是年十二月遂辭駱公薦劉公蓉自代請咨赴京會試

駱文忠公

自訂年譜云永州鎮總兵樊燮聲名惡劣同城員弁兵丁無不吝怨八年赴京陸見先參其私役兵弁乘坐肩輿並聲明訪聞各款劣蹟俟查實奏嗣據委員赴永查該鎮署中零用皆取之營中提用銀九百餘兩公項錢三千三百餘串又動用未折銀兩卽據實嚴參奉 上諭掣回審辦嗣有人陵登樊燮在湖廣遞稟又在都察院呈控永州府黃文琛商同侯光裕通知在院襄辦軍務紳士左某以圖陷害後奉旨交湖廣總督官文湖北正考官錢寶青審辦旋於八月廿

五日將樊樊安控奏明將查明帳簿公稟樊樊親供等件咨
送軍機處左君因此一案憂讒畏譏遂定意於十年正月出
署請咨赴京會請胡文忠公集卷六十七是年與莊衡生
書云樊案易了甚慰當以顧大局扶善人申正氣為主會文
正公集書札九與公書云樊案本出意外潤帥焦灼極亦丁
其豆信道所以處之法甚當想潤帥已鈔送矣劉公咨養
時堂集與公書云兄佐幕數年功在桑梓雖議論繁興公議
要不可減承諗及時引退欲使不肅承其乏不惟識闇才
罔達時務徒累知人之明亦懼頌情瀆禮輕冒不韙書
卷五五年與劉峴莊書云弟性剛才拙與世多忤近為官相
所中傷幸所坐之事容易明白而當軸諸公尚有多忤近為官相
之者或可不預世網然亦險矣自念草野書生毫無實用連
年因桑梓之故為披髮纓冠之舉忘其愚賤一意孤行又復
過蒙優獎名過其實其遭此誘誘固早在意中特欲藉會
試一游京師脫離此席非敢再希進取以辱朝廷而羞當
世之士也按胡文忠公集是年與公書云聞公者湘人非
鄂人此沛公司馬之類也何足介意蓋即駱公年譜所謂有
人唆聳者也攷書牘庚申與胡文忠書云至九年臘月二十
日出署中間事變多端皆公與綵公所聞見者亦張駱二公
疏稿中所備具者前後八年猶堪覆按又與李勇毅書云弟

自出署以來即不欲預聞帷幄之議非忍想然蓋一涉手則難於猝解而行期已定於正月初入中開有展墓數日之事勢不能稍待也據此則公確於是年臘月出署駱公作前年譜言十年正月者蓋就北行發長沙時言之也

江南道監察御史黎君墓志銘

咸豐十年庚申公四十九歲

正月自長沙啟行

王子壽柏心貽公書曰去歲聞貝錦之詞深為執事不平然此不足以累執事也功

高為人所忌操金銷骨自古有之謗書盈篋樂羊所以流涕也然策安三楚勛贊一匡有識者心服執事之算略則固異口同詞矣度念游詞之相讎必拂衣還山絕口不談世事以自明其高蹈但此通淺之為丈夫非所望於達節之士也若柏心則願執事行就胡會二公軍中為贊畫兵謀以成其滅賊之本懷俟拔取建康檻獻元凶然後角巾歸里長揖不受賞使海內聞之以為少伯留侯復見於今豈非英豪三月丁壯志奇傑美談乎與夫倖倖去國者不可同日語矣三月丁卯至襄陽胡公林翼復以書來止公行
書牘卷五是年與郭意城書云三月三日

始抵襄陽比歲旱蝗沿途見婦孺采野菜爲食而青青蒿麥
葉多薦萎恐多秋又將失望宛葉一帶捻匪出沒襄陽隨襄
民氣難馴甘餘年磨牛重踐氣象迥殊良可喟也抵襄陽後
毛寄耘觀察出示潤公密函言含沙者意猶未憐網羅四布
足爲寒心蓋二百年來所僅見者杞人之憂曷其有極側身
天地四顧蒼茫不獨蜀道險巇馬首靡託已也帝鄉既不可
到而悠悠我里仍畏尋蹤不得已由是時湖北軍攻克太湖
大別沿江而下入淞老營暫栖焉羽
潛山曾公駐軍宿松胡公駐軍英山議三道規安慶曾公國
荃率朱品隆李榕軍進集賢關多隆阿公進桐城李公續宜
爲援兵助二軍速公往決其議曾文正公集書札十是年覆
胡宮保書云進兵之略鄙意
欲仍守希菴前議以朱李進安慶多公進桐城希軍紮青草
嶺不知尊意有更改否季公卽日至英山請其一決又與公
書云聞辟地東來想已安抵英山進公迺同舟漢川沿江而
兵應如何分枝望鴻裁與潤帥酌定
下自英山至宿松欲領一軍殺賊自效二公皆慰勉之書牘
卷五

是年與李希菴書云未至英山以前竊自忖度如夫己氏必不相舍山北山南網羅密布卽匿影深山亦將爲金丸所擬上固不可再辱成於小人未若成於盜賊之快將就濫老及麾下作一營官自效戰而勝固稍伸討賊之志否則策馬衝鋒亦獲其所且八年戎幕生疇未克親履行閒實爲闕事欲藉此自勵少解白面之憾比至潤公所詢知近狀尙未如所聞之甚而餽事頗難區處此議遂寢文集卷五祭胡文忠公文云云我方憂謫圖隱京門晤公英山尊酒相溫公閱我逸俛然若盡憂蘊於中義形於色我反慰公何遠至此天信吾道猶未無止按曾文正公集書札十一是年與駱文忠書云左丞相翁自領一隊之說侍勸其不必添此蛇足今已作罷論矣又駱文忠公集卷七十三是年致駱文忠書云季丈以幕府所見疑則義當隱居谷之所處友道也非臣道也相中經營已久石逆受創則可二三年平靖林翼不能強留季丈於皖中而實願其暫隱

先是郭公嵩燾以編修與吳縣潘文

勤公祖蔭同直

南書房方樊熒事急時郭公語潘公祖蔭曰左君去湖南無與支

持必至傾覆東南大局不復可問潘公迺入奏曰楚南一軍
立功本省援應江西湖北廣西貴州所向克捷由駱秉章調
度有方實由左宗棠運籌決勝此天下所共見而久在我
聖明洞鑒中也上年逆酋石達開回竄湖南號稱數十萬以本省
之餉用本省之兵不數月肅清四境其時賊縱橫數千里皆
在宗棠規畫之中設使易地而觀有潰裂不可收拾者是
國家不可一日無湖南而湖南不可一日無宗棠也宗棠爲人負
性剛直嫉惡如仇湖南不肖之員不遂其私思有以中傷之
久矣湖廣總督官文惑於浮言未免有引繩批根之處宗棠
一在籍舉人去留無足輕重而楚南事勢關繫尤大不得不

爲

國家惜此才疏入久之

特旨詢曾公國藩曰左宗棠熟習湖南形勢戰勝攻取調度有方目下賊氛甚熾兩湖亦所必欲甘心應否令左宗棠仍在湖南襄辦團練事抑或調赴該侍郎軍營俾得盡其所長以收得人之效

奏稿卷十七再疏懇辭伯爵摺云軍興以來在事諸臣宣勞最久微臣效力最遲諸臣多由薦舉得官微臣於疑謗交集之時蒙 文宗顯皇帝特旨垂詢而起 按此旨據曾文正公覆奏摺內所遺恭攷 聖訓及 方略并未載書牘是年與劉蔭渠書云家書到言兒子患病遂息遽言旋擬屏迹山林不問世事矣忽接公奉 廷旨垂詢鄙人中言官帥惑於浮言爲之昭雪尤可感也又與陳俊臣書云在宿松時際帥忽奉 寄諭 聖意於宗棠出處一節 垂詢再三并爲昭雪知鄂帥之說不行欽感靡既據 曾公覆陳公剛明此則曾公摺內尙係節錄 諭旨也

耐苦曉暘兵機當此需才孔亟之時無論何項差使惟求明降

諭旨俾得安心任事必能感激圖報有裨時局

養知書屋集自敘云鄂督以樊燂呈

訖湘撫具奏牽及左文襄錢萍江副憲典試湖北卽交查辦左文襄歸案審訊嵩巖時入直南書房以爲左君去湖南無與支持必至傾覆東南大局不復可問同直潘伯寅尙書悉用其語入奏奉旨著曾某查明覆奏文正公遂奏令募勇專任斯事不復就訊湖北家書王戊與孝威書云官相因樊燂事欲行構陷之計其時諸公無敢一言誦其冤者潘公祖蔭直以官文有意吹求之意入告蒙諭垂詢諸公通敢言左某果可用矣潘益得聞之郭筠仙也郭筠仙與我交稍深其與潘君所言我亦不知作何語卻從不於我處交道及隻字亦知吾不以私情感之此誼非近人所有胡公林翼亦上奏曰臣查湖南在籍四品卿銜兵部郎中左宗棠精熟方輿曉暘兵略在湖南贊助軍事遂以克復江西貴州

廣西各府州縣之地名滿天下謗亦隨之其剛直激烈誠不免汲黯大戇寬饒少和之譏要其籌兵籌餉專精殫思過或可有心固無他臣與左宗棠同學又兼姻親咸豐六年曾經附片保奏其在湖南情形久在

聖明洞鑒之中應請

天恩酌量器使并請

旨飭下湖南撫臣令其速在湖南募勇六千人以救江西浙江皖

南之疆土必能補救於萬一時公方自宿松還湖南

書廣卷五

與李希菴書云

廷旨未幅并及宗棠頻年拂鬱之隱竟蒙

聖鑒感激何可言此後亦不忍想擬十三日買舟還湘
缺淦老之信如有可
出之理亦未敢固執
五月戊戌至長沙辛丑奉

詔以四品京堂候補隨同曾國藩襄辦軍務於時金陵大營師潰
寇已連陷常州蘇州復由蘇州犯浙江陷嘉興曾公國藩總
督兩江渡江駐軍祁門議合湖南北江江西三省協防咨公募
練五千人援安徽公貽曾公書曰賊不北竄而南趨與賊爲
難者獨有楚軍其詭謀必將乘湘鄂之倉皇而逞其毒是制
此賊必取遠勢而不能圖速效蘇州旣失爲公計者宜先以
偏師保越爲圖吳之計庶將來山內山外兩路進兵可免旁
趨歧出之慮否則賊勢蔓延於越而賊巢踞金陵大軍直指
蘇臺如擊長蛇之腰妨其首尾俱應且吳中封疆大吏或殉
或逃枝郡旁縣多已淪覆如越中有一軍爲公宣布威德則

三吳人士有所繫屬而簞壺之奉尙有可圖否則形勢中阻不但餉源易斷音耗難通亦孤吳中士民望歲之心矣公督兩江江西迺其兼轄此邦於軍事素無條理先將江西兵事餉事逐爲經畫亦當務之急也於是招所知湘楚舊將弁以勇敢樸實爲宗得崔大光李世顏羅近秋黃有功戴國泰黃少春張志超朱明亮張聲恆九人四出選募立四營營五百人四總哨哨三百二十人別置精銳二百人分八隊爲親兵號曰楚軍復收王壯武公鑫舊部得千四百人軍制壹承其舊以壯武公弟開琳領之合五千人王貞介公開化總全軍營務甯鄉劉果敏公典今陝甘總督楊公昌濬副之

胡文忠公集卷

七十四是年與郭意城書云營中注意驍果是正辦然當以誠篤廉謹之士如石泉諸公者爲營務處統將公費月七百金尙不能餘一錢然必須有此迺不窘手又季公不顧其家應請額門前輩飭鹽茶局每年籌三百六十金以贍其私此亦菲薄之至鄂中營官有家在鄂者均不止此若季公非有廉可領者也又與公書云營中公費須多定數目軍事以用財養賢爲正藏法眼嘗笑世無不用錢之豪傑亦決無自貪自污自私自肥之豪傑公之小廉曲謹婦孺知名矣不私一錢不以一錢自奉又何疑而不六月丙辰屯城南金盆嶺教以天下之財辦天下之事乎

州竄蜀

練書廣卷八丙寅與楊石泉書云念自金盆嶺誓師以來所練相與周旋者梅邨克菴及兄而三又奏稿卷一請調各路營勇來浙片云臣上年襄辦軍務卽召募勇丁五千餘人訓練兩月率以東行

會石達開將由貴

朝議迨公督辦四川軍務公以軍初起未欲專任一方之事

書廣卷五

是年與胡潤之書云宗棠此去欲稍立薄效以答友朋相知之雅廟堂起用之恩事之成敗利鈍非所敢知己之堪勝

與否亦非所計也蜀亂已久宗棠資望既淺事權不屬欲提
數千之眾專討賊之事是何異以才膠而救黃河之濁乎明
知其無濟而冒然應之在己爲不智知我之無濟而冒然以
我應之公等之謀國亦未得爲忠也蔣公與公書以在吳爲
襄辦入蜀則有督辦之名疑鄙人將去此而就彼不知襄與
督雖同有事而無權而能辦與不能辦實不手此一字之輕
重幸爲我致意蔣公我志在平吳不在入蜀矣按書牘卷
八乙丑與吳桐雲書云又十餘年而事變紛然遽欲以身應
之念所學未成不能及遠權之不逮不得自專志在一鄉一
國尙或庶焉於是已所不能者望之人而出己之所謂能
者輔翼而匡救之庚辛之間猶此志也此亦可放見公當日之所存矣胡公林翼曾公國藩亦

以江皖事急合辭畱公軍援安徽已而廣德甯國相繼陷公
迺於八月己巳整旅東行自醴陵取道江西出祁門未至徽
州復陷曾公調鮑超軍屯漁亭張運蘭軍屯黟縣遏寇鋒九
月公軍自南昌趨樂平庚戌進軍景德鎮廣東韶州寇竄南

韓十月自貴溪窺饒景公遣王開琳率老湘營四旗迎勦于

周坊

按王壯武公營制以三百六十人爲一旗四旗卽壯武舊部千四百人也

三戰皆捷寇遁走

弋陽公策寇必竄合德興寇遣王開化楊昌濬率四營出香墩要之寇方自楓嶺趨德興出不意遇大軍王開化揮勇奮擊寇大敗走老湘軍自弋陽追寇亦至迺合勢攻德興城寇倉皇出遁十一月庚寅朔復德興寇合餘眾趨陷安徽婺源各軍星夜赴之寇眾數千負城拒戰分兩路撲之寇敗入保城城兩面瀕水軍士譟呼乘之寇奪門出官軍分梃浮橋溺斃者尤眾壬辰復婺源寇走浙江是時大軍方圍攻安慶寇益趨皖南圖解安慶圍環祁門三面皆寇獨恃景鎮爲後援

公既克婺源議遂進攻徽州而池州寇黃文金攻建德敗屯

將普承堯連陷彭澤都昌鄱陽公遁悉調各軍回景德鎮書

卷五是年與王梅卹書云建德若失則浮景震而饒州危濠帥後路斷矣是又較屯溪爲尤急寇前隊已陷

浮梁公分軍憑河扼守而以重兵屯里市渡西瓜洲癸卯寇

分道來攻官軍迭出敗之復浮梁縣城癸丑黃文金擁眾數

萬繼至公分兵守婺源浮梁而督軍沿河築水牆拒寇寇分

五路截流渡我軍堅拒之甲寅寇千餘人自中渡牽我師而

大眾萬人由上流潛渡直趨景德鎮丁長勝扼李邨身被重創

猶力戰黃少春聞警馳赴繞擊寇大敗反奔蹙之河濱墮水

斃以千計其日寇分撲浮梁者亦爲屯將李世顏所敗寇退

踞鄱建界

書廣卷五是年與劉蔭渠書云是役以五千餘之眾分守景鎮浮梁五十餘里城市淺灘賊目悉調

湖口彭澤鄱陽建德四五萬之賊力圖陷我此地為江省前門滌公祁門後戶一有疏失不堪設想弟以新軍當此劇寇

僥倖保守要區則賓佐將士之勞實有未可沒者復圖上犯曾公調鮑超軍來援議

合師進剿會天大雨雪迺進軍掘梅源橋鮑超軍屯洋塘與

寇相距曾公國藩上公復兩城功得

旨以三品京堂候補是年文有張叔容墓碣箴言書院碑銘文

正公集書札十一是年與胡宮保書云得書及季公所為碑銘頃又得校定稿本季公文簡重渾括鄙人豈更有贊助於

其間按胡文忠公集卷七十四是年與李希菴書云日讀鄧詩之先生寫箴言書院箴銘條規又請諸葛作碑銘均一

時之盛也蓋為公三月至英山之事攷養知書屋文集名賢手札跋後云左公獨喜自負常自署葛亮蓋公所與數公書

常以此自署故胡公書中遂援以稱之也

咸豐十一年辛酉公五十歲

正月寇進逼洋塘對岸雞公坡築壘至謝家灘互二十里公議鮑軍出戰楚軍沿河護其屯而以一軍伏洋塘左備寇鈔戊戌寇三路自謝家灘渡鮑軍分道出拒雞公坡寇乘虛來襲屯楚軍力扼之寇不得濟鮑軍遂渡河縱擊大破之斃寇凡四千人己亥合軍進寇分走青陽彭澤已糾建德寇復回竄公遣四營助鮑軍乙卯大破之黃麥鋪遂收建德曾公兩疏陳戰狀按曾文正公奏稿自軍扼守景鎮摺云逆首黃文金爲著名梟悍之寇自撲陷建德浮梁等縣其時臣在祁門三面皆賊僅留景鎮一綫之路以通接濟該逆欲得甘心賴左宗棠之謀鮑超之勇以守則固以戰則勝迺得大挫克鋒化險爲夷

詔嘉勉各軍還景鎮鮑軍奉檄援撫建甯是時寇酋李秀成自廣
信入攻撫建分犯吉安瑞州皖北則陳玉成率三萬眾攻安
慶圍軍分黨上掠英山趨蕪北陷德安而李世賢大眾踞
徽甯日出犯守嶺軍池州寇劉官方亦攻擾祁西二月庚申
張運蘭復休甯李世賢則軼出破婺源出清華街窺浮景浸
入樂平鄱陽期合圍公軍公遣王開琳羅近秋勦清華街寇
而自率軍趨婺源未至婺源寇已悉由中雲入樂平疾引軍
出柳家灣要之敗寇湧山慮景德空虛庚午仍回軍景德其
日王開琳各軍攻清華街中伏陳明南戰沒乘夜引還寇遂
悉趨樂平鄱陽寇亦東竄會曾公調建德屯將陳大富遂防

景鎮公迺率本軍出勦鄱陽寇禦之金魚橋丁亥敗寇于柘
丹街戊子寇遽自樂平取閒道襲景鎮陷之陳大富赴水歿
公軍退保樂平李世賢既據景鎮益遣其黨分擾祁門樂平
三月壬辰曾公自將攻徽州癸巳寇前隊至樂平桃嶺公迎
擊于馬家橋寇屯布山谷皆滿分道進戰逾時寇向桃嶺引
卻其酋李尙揚踞嶺巔揮退者黃少春挺矛突前斬其旁悍
寇十數人李尙揚委輿蓋遁寇矢勢狂走追至太園殺寇三
千人次日李尙揚將收眾還景鎮李世賢聞其敗悉調竄祁
門寇來助戰丙申公偵援寇兩路趨桃嶺迭出奇兵敗之戊
戌寇來益眾公分軍三路嚴靜以待而選精兵迭伏爲援應

甫定寇眾萬人列隊龍珠擲火燒民舍圖誘官軍急戰官軍
堅壁不出至日晡覘寇勢稍懈張聲恆率隊直入崔大光黃
少春分左右翼以進寇更番距戰官軍亦迭出應之副將羅
近秋深入中礮灰土氣益奮頃之寇崩潰追逐二十里寇灰
者千餘人悉奪其器械軍實庚子曾公攻徽州軍潰退屯休
甯檄鮑軍援景鎮未至李世賢悉引眾來攻樂平樂平城小
坍塌公調團兵入守令各營築壕城東南引長畝水塞堰陷
賊騎已寇前鋒逼外壕團勇夜悉遁歸迺調一軍入城而部
分各軍守外壕辛丑寇大至時官軍在壕內五千人寇眾號
十餘萬圍樂平數十重分起撲壕軍士寂然憑壕屹立蹙寇

逼近迺擊之寇屢卻屢前相持至夜深不退公與王開化益
治軍王寅嚮午寇自東北漸趨西城仰攻益急守壕軍士傷
亡相繼前者僵蹠後者上於是王開化率隊趨西路王開琳
趨東路公自與劉典趨中路各持短兵視寇聚散爲分合鼓
聲起越壕并出大呼殺賊寇大驚擾亂軍士鋒刃爭下無不
以一當百游擊史聿舟礮穿右脇歿各路乘勢衝擊寇大奔
敗僵尸十數里會天大風雨阪水驟漲寇人馬相蹈藉溺歿
者尤眾李世賢易服潛遁是役殺寇凡五千人寇悉數東竄
越數日鮑超軍至浮樂已悉定捷聞

賞白玉搬指翎管火鑷小刀荷包曾公復奏公幫辦軍務

上從之四月曾公迄屯東流調餽軍渡江援安慶

曾文正公集書札十五是年與

李希菴書云自二月中旬至三月二十文報糧路斷絕景鎮
淪陷陳公陳亡左軍隔徽州兩挫此三旬危險之際鄙人
不肯迄嶺外逮左公大捷餽軍亦到侍逆遠遁饒景浮
樂一律肅清即定計迄駐東流餽軍渡江救援集賢關

德興追寇廣信寇悉走浙江池州寇劉官方乘虛復陷建德

分黨入鄱陽楓田街此縣六十里公聞警回援五月甲子

至景鎮鄱陽寇遁去遣王開琳等由桃樹店截擊遇寇桐樹

嶺一戰擊敗之城寇聞風遁丙午復建德是月徽州寇亦棄

城走浙江前竄浙江寇已自江山越衢州連陷龍游湯溪踞

金華掠遂昌至義烏破處州

詔授公太常寺卿

命率師援浙曾公以徽州新復奏留公軍保婺源六月己未留軍

守景鎮自將四千人遙軍婺源

書顧卷五是年與郭意城書云到婺源後人物凋殘爲之悲

慨慎修雙池諸先生故籍蕩然無存諸故家子弟

當塗夏氏

歿散典禮淪亡弔成扶傷之暇不禁感慨係之

奏稿五十四

炳官婺源教諭代公歸軍食公曰與論學甚歡

軍務人員志

節可傳請宣付史館摺云臣前轉戰江皖之交夏旂時官婺源致語婺源爲程朱系出之鄉先世廬墓在焉地介江皖形

勝攸關每就書告賢臣與劉典星往赴援夏旂日居營幕代

籌軍食所著景紫堂文集於朱陸同異辨晰頗精夏旂

景紫堂集自訂年譜云咸豐十一年左京堂大破賊于樂平

六月率師抵婺源三閱月與婺源人相得甚歡左公講朱子之

學見余述朱已而福建汀州寇自常山入德興圖犯徽州辛

質疑而善之已而福建汀州寇自常山入德興圖犯徽州辛

已寇前鋒至九都新建王開化取閒道擄新建而遣崔大光

張聲恆出王瓜尖寇不虞官軍驟至接戰卽大敗走合新建

寇癸未王開化軍至新建寇方走渡河適崔大光張聲恆追敗寇出谷口寇大駭棄械趨兩岸高嶺官軍從下擊之墜崖澗死者無算追至白沙關解散以數千計餘寇走浙江開化七月辛丑

文宗顯皇帝崩哀問至公感念

恩遇悲慕無已於軍中成禮持服

曾文正公集書札十六覆公書云大喪典禮軍中大具素服三

日于營外設次其弁勇照常辦事不素服不藍印不蓄髮弟與學使府縣官相處故參用地方官儀制公以九卿治軍於

外宜全用軍營儀制也

先是公軍久戰觸暑入秋疾疫大作公亦嬰病

書牘卷五是年與劉蔭渠書云敵軍自婺源大捷後士卒患疾者逾半物故者亦近千人與老兄新城之役同千里從戎還鄉無日懷事大紉藥餌指斂均極草草殊爲痛心按曾文正公書札是年秋間與公書云玉體有不適日來已愈否

則是公亦病也八月丁巳朔官軍克安慶胡文忠公自太湖回援湖

北壬午薨于武昌公爲文哭之尤哀

書牘是年與李希菴書云祭潤公文一首墳竟

不自知其詞之哀也按曾文正公集書札十七卷公書云祭潤帥文愈讀愈妙哀婉之情雄深之氣兩達以恢謫之趣

是時鮑超軍已悉平江西寇水師亦克池州而浙江嚴州紹

興相繼復陷公議以全軍援浙

曾文正公集書札十六是年覆公書云接中秋日書承示

停頓蓄勢重與整理更換然後制勝有本至當之論謹當遵

循不援浙江不能併力一向終無了日亦至當之論惟目前

力量實做不到南岸須兩枝大兵一鎮廣信河口以保障江

西之東北一由池州取甯國以作徵休景鎮聲援擬以鮑軍

赴池甯公與廣信俟兵力日厚或可援浙按曾文正公奏

稿左宗棠定議援浙摺云左宗棠平日用兵取勢甚遠審機

甚微近日屢與臣等書函毅然以援浙爲已任文十月迨軍

正摺上於本年十一月公所與議援浙各書皆佚

廣信已而甯波台州復失寇圍杭州日急於是曾公與公議

以固徽保饒廣爲根本十一月奏徽信防軍悉隸公而以蔡源景鎮河口稅釐供公軍於時杭城外僅存衢州温州湖州温湖居羣寇中獨衢州與江西接壤先時浙江奏起李元度募八千人援浙號安越軍至龍游阻遏不能進屯江山庚戌公奉

詔督辦浙江軍務壬子杭州城陷曾公密疏薦公巡撫浙江

曾文正公

書牘十七是年與公書云浙江於十一月二十八日失守六十萬生靈同遭浩劫弟二十五日覆奏已附片密請簡關下爲浙江巡撫目下經管時寇酋楊輔清復大舉犯徽公遣劉興率三千人出發源而自將軍出屯玉山上奏曰臣一介寒儒未諳戎務仰蒙

元皇帝特達之知由舉人疊次

拔擢補授太常寺卿幫辦軍務每思殫誠盡瘁以圖一報茲復蒙
皇上恩命督辦浙江軍務自恨才力庸下未能匡時濟變仰副
恩知然當全浙鼎沸之時何敢稍事諉延自干咎戾惟浙江全省
自金華嚴州處州失守紹興甯波台州相繼淪陷局勢全非
由江西入浙之道徧地賊氛勢非節節攻剿不能深入節節
攻剿又恐曠日持久餉竭兵疲先已自困勢非乘虛蹈瑕誘
賊野戰不可以東南大局見在言之湖北江西一律肅清皖
北逆氛漸熄羣賊悉萃江浙兩省如各路統兵諸臣聲勢聯
絡力保完善之區以規進取從此漸偪漸進庶可作士氣而

掃賊氛利戎機而速戡定以江浙見在局勢言之皖南守徽池以攻甯國廣德浙江守衢州以規嚴州閩軍嚴遏其由浙竄閩以繞犯江西之路然後餉道疏通壹意進取得尺則尺雖程功迂遠實效可期此一定之局也正在籌畫布置忽接署金衢嚴道江永康報稱十一月二十八日杭城失陷則援浙之局應卽通盤籌畫以圖恢復查浙江軍務之壞由始竭本省之餉以濟金陵皖南各軍圖藉其力以爲藩蔽而於練兵選將之道漫不經心自江皖敗壞之後又復廣收潰卒靡以重餉冀其復振卒之兵日增餉日絀軍令有所不行以守則逃以戰則敗局勢愈益渙散遂決裂而不可復支臣奉

命督辦浙江軍務節制提鎮非就見存兵力嚴爲挑汰束以營制不可非申明賞罰予以實餉不可非另行調募預爲換補不可然欠餉日久則有不能汰遣之患餉需不繼則有不能調撥之患經費不敷則有不能募補之患名爲節制提鎮實則營官哨長亦且呼應不靈不得其指臂之助而徒受其迫促之擾縱令竭力圖維何從措手應請

敕下部臣查明各省應協浙江之欸閩省及各省撥解援浙軍餉各欸速解廣信府臣後路糧臺以應急需如各省撥解逾延及委員逗畱貽誤應由臣隨時咨明部臣查取藩司委員銜名參奏請

旨又臣軍陸續增加尙止八千餘人轉戰而前殊憂單薄衢州爲水陸通途論恢復局勢應於衢州設立水師以爲陸師之助廣西臬司蔣益澧才氣無雙任事勇敢本年春以臣軍太孤願率所部助臣討賊處州鎮總兵劉培元見在湖南帶勇熟諳水戰機宜亦能陸戰應請

旨敕下廣西湖南撫臣令蔣益澧就所部募成數千來浙以當一路劉培元募勇三千來衢卽署衢鎮總兵其未到衢以前衢州防務應責成署總兵李定太經理儻敢仍前玩泄貽誤臣卽據實參奏請

皇上治以應得之罪

上皆報可十二月

命公巡撫浙江

家書是年與諸子書云吾以德薄能淺之人忝竊高位督師十月未能克一郡救一方上負朝廷

下孤民望爾輩間吾敗固宜憂聞吾勝不可以爲喜既奉撫

浙之

命則浙之土地人民皆責之我既奉督辦之命則

東南大局亦與有責焉自入軍以來非宴客不用海味窮冬

猶衣粗袍糞與士卒同此苦趣亦念享受不可豐恐先世所

貽餘誼至吾蔣益澧爲浙江布政使浙寇大入遂安開化已

由開化馬金街犯婺源以應徽寇壬申公遣王開來率湘軍

由白沙關扼華埠自率親軍趨婺源寇已逼大庸嶺濟嶺已

叩部各軍迎擊朱明亮所部直薄張邨壘嶺上寇四面來攻

黃少春張聲恆兩軍橫出擊之寇大敗退走馬金街其日徽

防軍亦破寇巖寺徽州解嚴是年九月王貞介公開化以

病歸未幾卒

書廣是年與李希菴書云梅邨因病思歸九月

一時所無不但善戰已也惜體弱恐難永年別後相念殊殷
不啻披公之別子由矣按曾文正公奏稿王開化請卹恩
上於是年十二月蓋貞介歸未幾即卒指云該員爲賄布政
使王鑫從弟年十七從王鑫以善戰聞其用兵能以少擊眾
雖矢石如雨之中意息安閒不異平常至其摧鋒陷陳處舉
電發雖賁育不足以喻其勇也轉戰八年功績最多其器識
端偉性行淑均爲左宗棠所敬服軍中皆倚賴之時事方艱
良才候殞可勝痛惜又按書廣卷六癸亥與王毅卿書云
軍中無事與石泉輩話梅邨舊事猶不覺泣然涕出書廣卷
十己巳與劉克菴書云弟於營務諸君皆以情意乎洽至於
大事大疑則頗取獨斷除王貞介一人爲生平所推服
未嘗一語違忤如閣下及石泉則閒有可否不嫌異同